

حزب عدلیہ

نومرو ۷۶

۲۴ صفر ۱۳۳۱ — ۲۰ کانون ثانی ۱۳۲۸

اوپنچی سنہ

پانزار

قائمہ

نوبہات عدلیہ

قدس شریف سنجائی استیناف محکمہ سی رئیس عمر لطفی افندینک احوال صحیہ سندن بمثلہ وقوع استعفا سندن مبنی یرینہ مناستر ولایتی مرکز بدایت محکمہ سی رئیس نظمی و بیروت ولایتی مرکز بدایت محکمہ سی جزا دائرہ سی ریاستہ سوریه ولایتی مرکزینہ نقل ایدیان بیروت ولایتی مرکز بدایت محکمہ سی ایکینچی جزا دائرہ سی رئیس عبداہ و مذکور ایکینچی جزا دائرہ سی ریاستہ بیروت ولایتی مرکز بدایت محکمہ سی جزا دائرہ سی رئیس جمال و سوریه ولایتی مرکز بدایت محکمہ سی اعضالغہ بیروت ولایتی مرکز بدایت محکمہ سی اعضاسندن محمد خالد و نصری بخاش افندیلر نقل و تعیین اولشمش و سیواس ولایتی استیناف محکمہ سی اعضاسندن یواناکی افندینک مدت مآذونہ سی منقضیہ اولدینی حالہ ہواسی معتدل بر محلہ نقانی استدا ایدہ رک مرکز مآوریتہ عودت و ارضروم ولایتی استیناف محکمہ سی اعضاسندن تریانہ فیلوس و طربزون ولایتی مرکز بدایت محکمہ سی اعضاسندن واسیلاکی افندیلر وقت و زمانیلہ محل مآوریتلرینہ

عزیمت ایتمایملردن طولای مستعفی عدایدلمش وادرنه ولایتی استیناف محکمه‌سی اعضاسندن یاسف قرانفیل
افدینک دخی استعفا‌سی قبول قلنمشدر .

اشبو اراده سزیه‌نک اجراسنه عدلیہ نظارتی مأموردردر .

۲۸ محرم سنه ۳۳۱ و ۲۵ کانون اول سنه ۳۲۸

محمد رشاد

صدراعظم

عدلیہ ناظری

طاب

عارف حکمت

**

بیروت ولایتی مرکز بدایت محکمه‌سی اعضاسندن نصرت، بکک بلا مآذونیت محل مأموریتدن انفکاک
ایتمسنه مبنی مستعفی عدلیہ یرینه بنغازی سنجانی بدایت محکمه‌سی اعضالغندن آچیقده قالان سید عارف
ومنحل اولان طرزون ولایتی مرکز بدایت محکمه‌سی اعضالغنه احوال صحیه‌سندن بحثله تحویل مأموریت طلبنده
بولان موش سنجانی بدایت محکمه‌سی اعضاسندن سرکس فکری وورش سنجانی بدایت محکمه‌سی اعضالغنه
بولی سنجانی بدایت محکمه‌سی اعضای سابقه‌سندن حنجرسیمون وحیدیه سنجانی بدایت اعضاسندن حسین
افدینک بلا مآذونیت ترک مأموریت ایتمسنه مبنی مستعفی عدلیہ یرینه مذکور بنغازی سنجانی بدایت محکمه‌سی
اعضالغندن کذلک آچیقده قالان خلوصی ومنحل اولان حدیده سنجانی بدایت محکمه‌سی اعضالغنه مذکور
بنغازی سنجانی بدایت محکمه‌سی اعضالغندن کذلک آچیقده قالان عثمان نوری افندیلر انتخاب وتقل اولنمش
وتحویل مأموریتی ایجاب ایدن یافه بدایت محکمه‌سی رئیس ادیب افدینک کرک سنجانی بدایت محکمه‌سی
رئیس عثمان شریف افندی ایله بجایشلری اجرا ایدلمش وبلا سبب ترک مأموریت ایدن مرفقه قضاسی بدایت
محکمه‌سی مدعی عمومی معاونی حدی افندی ایله بلا مآذونیت اوتیه برییه عزیمتله برابر نزدنده کی مهر
رسمی بی سوء استعمال ایتدیکی آکلاشیلان قومانوه قضاسی بدایت محکمه‌سی جزا دائره‌سی رئیس عثمان
موفق بک مأموریتلردن عزل قلنمشدر .
اشبو اراده سزیه‌نک اجراسنه عدلیہ نظارتی مأموردردر .

۹ صفر سنه ۳۳۱ و ۵ کانون ثانی سنه ۳۲۸

محمد رشاد

صدراعظم

عدلیہ ناظری

طاب

عارف حکمت

**

منحل اولان سیواس ولایتی استیناف محکمه‌سی اعضالغنه نیکده سنجانی بدایت محکمه‌سی اعضاسندن
اپوستولاکی ونیکده سنجانی بدایت محکمه‌سی اعضالغنه درامه سنجانی بدایت محکمه‌سی اعضاسندن مردم
وکذلک منحل اولان ارضروم ولایتی استیناف محکمه‌سی اعضالغنه سیواس ولایتی مرکز بدایت محکمه‌سی
اعضاسندن ارتین بیاضیان وکره‌سون قضاسی مدعی عمومی معاونی احمد رامز افدینک ایکی ماهه قریب
بر زماندن بری محل مأموریتنه عزیمت ایتماسنه مبنی مستعفی عدلیہ یرینه قواله قضاسی بدایت محکمه‌سی
مدعی عمومی معاون سابق خیری افندیلر تعیین اولنمش ووظیفه مأموریتلرینی سوءاستعمال ایتدکاری اخبار
اولنمشدن طولای تحت محاکمه‌یه آلنهرق دوام مأموریتلری جائز کوریلهمین نابلس سنجانی بدایت محکمه‌سی
اعضاسندن یوسف ونیقولا ورشید افندیلر مأموریتلردن عزل ایدلمشدر .
اشبو اراده سزیه‌نک اجراسنه عدلیہ نظارتی مأموردردر .

۱۱ صفر سنه ۳۳۱ و ۷ کانون ثانی سنه ۳۲۸

محمد رشاد

صدراعظم

عدلیہ ناظری

طاب

عارف حکمت

تلیفات عجمیه

عجمیه نظارت جلیله‌نره تطبیق اولنانه ۷ کانون ثانی سنه ۳۲۸ تاریخلی تحریرات عجمیه صورته‌نره :

« اوراق نقدیه حقنده »

روم ایلی ولایاتنده بعض محللرده یغمایه معروض قالان اوراق نقدیه‌نک محال سائرده صرف واستعمال
ایدلماسنی تأمیناً اوراق مذکورده دن پوللردن غیریسک مال صندوقلرنجه مهر رسمی ایله تمغالتدیرلمسی تنسیب
ایدیلهرک کیفیت بالعموم مأمورین مالیه‌یه تبلیغ قلنمش واستانبولده کی بالعلر نزدنده بولنان اوراق مذکورده‌نک کانون
ثانی‌نک اوننجی کوننه دکین بهمه حال تمغالتدیرلمسی لازم کله جکی غزته‌لرله اعلان ایدلمش اولدیغندن بحثله تاریخ
مذکورده دن صکره مال صندوقلرینه مخصوص مهر رسمی ایله تمغالتنامش اوراق استعمال ایدلماسی مالیه نظارت
جلیله‌سندن بیلدیرلمکله حکم اشعاره توفیق معامله اولنمسی توصیه اولنور .

**

عربی نظارت جلد سمره نظیر اولنامه ۹ ثانیه ۳۲۸ تاریخ تحریرات عمومی صورتیبر :

« مباشر لردن دخی مأمورین سائرہ منالو ترجمہ حال ورقہ سی اخذی مقتضی بولمنسہ دائر »

عدلیہ ومذاهب نظارتی دوائر وشعباتک تشکلاتی ومأمورین ومستخدمینک وظائفتی مبین ۲۳ مایس سنہ ۳۲۷ تاریخی نظامنامہ داخلینک مادہ مخصوصہ سی موجبہ مباشر لردن دخی مأمورین سائرہ منالو ترجمہ حال ورقہ سی اخذی مقتضی بولمنسہ وسجل اداره سنجہ بونلرک کلہ جک اوچوز بکرمی طقوز سنہ سی مارتندن اعتباراً معاملہ تسجیلہ لر بنہ مباشرت ایدیلہ جکنہ بناء مرکز وملاحظات محاکمی نزدندہ مستخدم عموم مباشر لردن اسامی ودرجہ مأموریتلریلہ تاریخ تعیین ومقدار معاشرتی ومأموریت سابقہ لر بنہ عائد وقوعات ومعلوماتی مبین اولہرق انجمن عدلیہ ولایجہ تنظیم وتصدیق اولہ جق بر قطعہ جدولک سریمآ ارسالی

عربی نظارت جلد سمره ولايات استيناف مدعی عمومی نظیر اولنامه ۹ ثانیه ۳۲۸ تاریخ تحریرات عمومی صورتیبر :

تاریخی تحریرات عمومی صورتیبر :

« حکام ومأمورین عدلیہ حق لرنده کی شکایاتندن متولذ تحقیقک اجراسیلہ تسریع استنتاجہ دائر »

حکام ومأمورین عدلیہ حق لرنده واقع اولہ جق اخبارات وشکایاتہ وصور سائرہ ایلہ حصولہ کلہ جک استطلاعاتہ بناء اجرا اولہ جق تحقیقاتک صورت اجراسنی مبین تنظیم اولنان تعلیماتہ ایلہ بوبادہ تنظیمی اقتضا ایدن خلاصہ جدوللرینک نمونہ سی ۳ تموز سنہ ۳۲۸ تاریخی تحریرات عمومی ایلہ ہر طرفہ تبلیغ وتسییر قلمشدی حسب الايجاب حق لرنده تحقیقات اجرا قلنان مأمورین عدلیہ عائد تحقیقاتک مذکور تعلیمات واول و آخر اجرا قلنان تبلیغات دائرہ سندنہ صورت سریعہ ومکملہ دہ اجراسی لازم کلیر ایکن ورود ایدوب تدقیق ایدلکدہ اولان بوقیل اوراقده بنہ بعض اساسی نواقص موجود اولغلہ برابر حرکات واقعہ لری نتیجہ دائر تنظیمی ايجاب ایدن خلاصہ جدوللری نمونہ سی دخی بعض محللر جہ بشقہ بشقہ صورتلرہ املا واسرا ایدلکدہ وبو خصوص موجب مؤاخذہ حاللری کورلیان مأمورین عدلیہ نک مدت مدیدہ تحت استجواب ومحاکمہ دہ قالمربی انتاج ایدرک یأس وقتورلرینی ومعاملہ اتبایہ وقانونیہ نک سرعتلہ اجراسی لازم کلنلر حقندہ معاملہ مقتضیہ نک تعویق وتأخیری استلزام ایدکدہ اولوب بوحالک دوامندہ کی محاذیر ایسہ مستغنی بیان بولنغلہ بعدازین تفصیلاتی مذکور تعلیماتہ دہ مصرح اولدینی اوزرہ مأمورین عدلیہ حق لرنده اجرا قلنہ جق تحقیقات اثناسندہ مأمور مشتکاعنہ طرفندن یولسر اولہرق وقوعہ کتیرلیدی اشعار قلنمقدہ اولان معاملاتک نہ کی بر مقصدلہ اجرا ایدلش اولدیغنک دخی آریجہ تحقیق اولنمی واستیضاحی حاوی مذکرلرہ بناء مأمور مشتکاعنہ طرفندن ذیلاً یازیلہ جق مدافعات وایضاحات اوزرینہ صورت مدافعاتک تحقیقات حاضرہ ولدی الحاجہ توسیعاً اجرا قلنہ جق تدقیقات قیودیہ نظرآ نہ درجہ بہ قدر وارد اولدیغنک

مذکور ورقہ جوابیہ زیرینہ تحقیق مأموری طرفندن اسباب موجبہ سنک وبوبادہ کی مطالعاتک مختصرآ علاوہ سی واستیناف مدعی عمومی دخی تحقیق مأموری طرفندن تنظیم اولنہ جق فذلکہ زیرندہ ویا آریجہ برورقہ ایلہ مطالعات مخصوصہ سی ذکر وعلاوہ ونقصان کورہ جکی جہاتی برر بر بیان وایضاح ایلہ اکالی ایچون محللرینہ اعادہ ایتسی وتحقیقات بالذات استیناف مدعی عمومی کی طرفندن اجرا قلنمش ایسہ بعض محللردن مورود اوراقده کورلیدی وجہلہ آریجہ مطالعہ نامہ تنظیمہ محل اولیوب اولبابدہ تنظیم ایدہ جکی فذلکہ نہایتلرنده مطالعاتک دخی علاوہ سیلہ اکتفا واجرا قلنہ جق تحقیقات بر محکم متعدد مأمورین عدلیہ سی شامل اولسہ بیلہ نتیجہ تحقیقات اوزرینہ بر فذلکہ ربط ایدیلان مواددہ ہر مأمور ایچون آیرو آیرو خلاصہ جدولنک تنظیم اولنمسی وجدوللرک بعدما نسختین اولہرق تنظیمندن صرف نظرلہ یالکز برنسخہ اولہرق تنظیم وارسل و تحقیق مأموری ایلہ استیناف مدعی عمومی کی مطالعاتک درجنہ مخصوص اولان جدولک سکزنجی وطقوزنجی خانہ لری ایلہ نتیجہ تحقیقات ومحاکمندن صکرہ املاسی لازم کلان خانہ لردہ کی مشروحات زیری ہر حالہ عائد اولدینی تحقیق مأموری واستیناف مدعی عمومی لری جانبندن تاریخ ومہر ویا امضا ایلہ دہ توثیق ایدلسی ونیجہ تحقیقات ایلہ اسباب موجبہ سی وتفصیلاتی فذلکہ متندہ واستیناف مدعی عمومی کی مطالعہ مخصوصہ سی دخی فذلکہ زیرندہ ویا آیری بر ورقہ دہ مندرج اولہ جفنہ کورہ اکثریتلہ کورلیدی وجہلہ بو مطالعاتک عیناً تکرار خلاصہ جدولہ کورلیہ رک غایت مختصر ابر صورتہ درج ایدلسی وتعلیماتہ نک دردنجی وسکزنجی مادہ لرنده کی اوراق اساسیہ دن مقصد یالکز صورت اشتکا ایلہ اخباراتہ ونیجہ تحقیقاتہ نظرآ مأمور مشتکاعنک مسؤولیتی ايجاب ایتدیرن وبردہ مدافعاتک شکل وماہیتی ویا بعض اقسام تحقیقاتک دلائلی اعتباریلہ شکایات واقعہ نامحل اولوب تعیین معاملہ یہ محل اولیہ جفی استلزام ایدن والحاصل لہ ویا علیہندہ کی احوالی تأییدہ مدار اولان اوراقہ منحصر اولغلہ معاملہ سی ویا تحقیقات ومحاکمہ سی ہنوز محللر جہ در دست رؤیت اولسنہ مبنی تأخیر معاملہ ومحاکمہ یہ محل قلامق کی ملاحظات مخصوصہ یہ مستنداً تحقیقاتہ تعلق ایدہ جک اوراق اساسیہ نک اوراق تحقیقیہ ایلہ برلکدہ ارسالی ممکن اولہ میان احوالہ دخی آنف البیان لزومی اولان قسمیلہ اکتفا اولنہرق اوراق اساسیہ نک بالجلہ تفرعاتیلہ برابر استنساخ ایتدیرلک کی زائد وبی سود معاملات وتکلفاتہ والحاصل بوبادہ کی تعلیماتنامہ محتویاتی دائماً نظردقنہ آلنہرق اعادہ اوراقہ ومخبرات زائدہ ایلہ تکثیر سوادہ محل بر اقلمامسی وداخل ولایتہ تحقیقات ومحاکمہ لری در دست بولنان مأمورین عدلیہ عائد معاملاتک مأموریتک زجہ متدیاً بالتعقیب تسریع استتاجی اسبابنک استکمالیلہ بالجلہ صفحتی حقندہ علی الاصول نظارتہ میعادندہ معلومات اعطاسی ومنع محاکمہ وبراءت وعدم مسؤولیت ویا محکومیتلہ نتیجہ لنن اوراقک برای تدقیق ارسالندہ مقررات مذکورہ نک کسب قطعیت ایدوب ایتدیکنکدہ علاوہ آشعاری لازمہ دن بولنش و کیفیت ہر طرفہ تعمیماً تبلیغ اولنہرق اشبو تحریراتک نسخ مطبوعہ کافیہ سی لفا ارسال قلنمش اولغلہ اولوجہلہ ایفای معاملہ وایجاب ایدنلرہ تبلیغ کیفیت اولنمی

اعلامات

سیواس ولایتی هیئت انضمامی ۲۹ شباط سنه ۱۲۲۷ تاریخلی مضبوط سی صورتیبر .

« اسقاط جنین حقنده »

رئیس لطفی اعضا ارتین و اعضا ملازمی رشدی افندیلردن مرکب سیواس ولایتی هیئت انضمامیه سی استیناف مدعی عمومی و یکی اعضا ملازمی اسماعیل حق بک حاضر اولدینی حالده مذاکره مخصوص او طه ده بالا اجتماع اربعه نیک کیر محله سندن امام اوغلی عثمان زوجہ سی پنه نیک ادعا ایلدیکی اسقاط جنین و خانه یه دخول و تهدید ماده لرندن دولای مظلون علیه اولان محله مرقومه دن لقمان اغا زاده نام دیگر خطیب زاده حاجی فتح اه افندی حقنده مستنطق مخصوص طرفندن اجرا قلنان تحقیقات نتیجه سنده فقدانی اخبار و اماره یه بناء مومی الیهک منع محاکمه سنه دایر تنظیم و تبلیغ اولنان ۱۷ کانون ثانی سنه ۳۲۷ تاریخلی قرار نامه علمیه مدعی شخصی عثمان طرفندن مدت قانونیه سی ظرفده اعتراض ایدلمش اولمقدناشی اولباده کی اعتراض نامه ایله اوراق مذ کوره استیناف مدعی عمومی لکنندن با تقریر تودیع اولمغله ضبط کاتبی وهی افندی به قرائت ایتدیرلدی .

قرار نامه نیک مندرجاتی مظلون مومی الیهک مدعیه نیک خانه سنه دخول و تهدید اجراسیله چوجغنی سکوطنه سبیت ویردیکنه دایر تأمین وجدان ایدر درجه ده اخبار و اماره یه تصادف اولنه مدیغندن اصول محاکمات جزائی قانونیک یوز یکر می اوچنجی ماده سی موجبجه منع محاکمه سنه قرار ویرلدیکنی اعتراض نامه نیک مفادی دخی سسقطک وقوع و مظنونک خانه یه دخولنه دایر اخبارات و راپور موجود بولندی حالده منع محاکمه قراری ویرلمه سنک مغایر قانون اولدیغندن بخله قرار مذ کورک فسخی طلبی متضمندر . ادعا نامه نیک مفادی دخی مدعینک بوباده تعقیباته اساس اتخاذ ایدلمش اولان ۳۰ تشرین ثانی ۳۲۷ تاریخلی عرضحالک محلی معاون و کالتندن اولای طیبیه و تحقیقات قانونیه اجراسی طلبیه ۶ کانون اول سنه ۳۲۷ تاریخنده مستنطقله تودیع وحواله قلندی و تحقیق ایدیله جک جرم جرائم عادی دن اولوب مظلون دخی صفت حاکمیتی حائر و تحقیقاتی مستنطق مخصوصه عائد مأموریندن اولمدینی حالده بواشدن طولانی تحقیقات ابتدائی شکلنده مستنطق مخصوص معرفتیه تحقیقات اجرا و قرار اعطا قلنمی غیر جائز اولدیغندن خلاف اصول و صلاحیت اجرا ایدیلن تحقیقاته بناء ویرلن مذ کور منع محاکمه قراری علمیه کی اعتراض واقع بو نقطه نظر دن وارد و بجا اولمغله فسخیله بواشک مستنطق مخصوص طرفندن اجرا ایدلمش اسبابنک و مستنطق مخصوص اولان مومی الیهک صفت و صلاحیتک تعیین ایتدیرلمه سنه قرار ویرلمش طلبی متضمندر .

مدعی عمومی و یکی مومی الیهک مخصوص مذ کور حقنده کی ادعای شفاهاً استماع اولندقدن و اصول

محاکمات جزائییه نیک ایکی یوز التنجی و ایکی یوز یدنجی ماده لر ی موجبجه وکیل مومی الیه ادعا نامه سی ضبط کاتبی بالجمله اوراق هیئت بالتسلیم او طه دن چیققدن لرندن صکره خصوص مذ کورک مذاکره سنه بلافاصله ابتدار اولندقدن مظلون حاجی فتح اه افندی نیک منع محاکمه سی حاوی ۱۷ کانون ثانی سنه ۳۲۷ تاریخلی قرار نامه مستنطق مخصوص طرفندن ویرلمش اولوب مومی الیهک اشخاص سائر دن تفرائق ایدیله جک صفت رسمیه سی اولمادینی حالده مسئله نیک محکمه نزدنده بولنان مستنطقه تودیع اولنمادی مخالف اصول اوله رق بو طریقله اعتراض و ادعا نامه سرد و اتیان قلنان اسباب وارد و بجا کورلمه بناء مستنطق مخصوص قرار نامه سنک فسخیله وظیفه دار بولنان محلی مستنطقه کی طرفندن تحقیقاتک عراض و عمیق اجراسی ایچون اوراقک محله ارساله ۱۴ ربیع الاخر سنه ۳۳۰ و ۱۹ شباط سنه ۳۲۷ تاریخنده متفقاً قرار ویرلدرک اوراق وارده طاقیله استیناف مدعی عمومی لکننه تقدیم اولندی .

محکمه تمیز انضمامی صادر اولده ۱ ثانویه اول سنه ۳۲۸ تاریخلی ۲۵۶۱ نومرولی اعلام صورتی :

« اسقاط جنین حقنده »

سیواس ولایتی هیئت انضمامیه سندن تنظیم و اعطا قلنان ۲۹ شباط سنه ۳۲۷ تاریخ و آلتی یوز قرق اوچ نومرولی مضبوطه نیک نقضی حقنده عدلیه نظارت جلیله سندن ویرلن امر تحریری اوزرینه اولباده کی اوراق باش مدعی عمومی لک مأموریت بهیه سندن با تبلیغ نامه محکمه تمیز استدا دائره سنه تودیع ایدلمکله مطالعه اولندی .

مذ کور تبلیغ نامه ده امام اوغلی عثمان زوجہ سی پنه نیک ادعا ایلدیکی اسقاط جنین و خانه یه دخول و تهدید ماده لرندن طولای مظلون علیه اولان خطیب زاده حاجی فتح اه افندی حقنده مستنطق مخصوص طرفندن ویرلن منع محاکمه قرارینک عندالاعتراض هیئت انضمامیه جبه جرم مذ کور جرائم عادی دن اولوب مظلون دخی صفت حاکمیتی حائر و تحقیقاتی مستنطق مخصوصه عائد مأموریندن بولمادینی حالده تحقیقات واقعه نیک مستنطق مخصوصه اجرا و قرار اعطا ایتدیرلمش موافق اوله میه جقندن بخله فسح ایدلیدی آکلاشلمش و خصوص مذ کور ایچون مستنطق تعیین اولنان اعضا نیک مأمورین حقنده تعیین ایدیلن مستنطق مخصوص قیلندن اولیوب اساساً مستنطق وظیفه سی ایفا ایدن عالم افندی نیک مظلون علیه حاجی فتح اه ایله میانه لرنده عداوت دنیویه بولمنه مبنی مظلون مومی الیه عائد بر حقوق دعوا سنک اثنای رؤیتنده عالم افندی نیک حاضر بولندیرلمه سنه محکمه جبه قرار ویرلمش اولمش حسیلله اشبو اسقاط جنین و خانه یه دخول و تهدید دعوا سنک مومی الیه طرفندن تحقیقی موافق کوریه مه سندن ناشی و دیگر اعضا حاجی آغوب افندی اجرای تحقیقاته

مأمور ایدلیدی آکلاشلش اولسنه واساساً قضاء مذکور بدایت محکمه سی نزدنده مستقل مستنطق بولمایوب منتخب اعضادن بریسی وظیفه مذکورہ بی ایفا ایتمکده بولسنه نظراً هیئت اتهامیه جه بصورتله قرار اتخاذاً مغایر قانون اولدیغندن قرار مذکور متضمن ولان ۸ شباط سنه ۳۲۷ تاریخلی مضبطه اتهامیه نک اصول محاکمات جزائیہ قانونسک اوچبوز قرق یدنجی ماده سی حکمنه توفیقاً بر موجب امر تخریری نقضی لزومی کوسرملشدر .

ایجابی لدی المذاکره اوراق موجوده مندرجاسندن آکلاشلیدینی وجهله اسقاط جنین و خانیه دخول و تهدید ماده لرندن دولایی مظنون اولان خطیب زاده فتح اہ افندیسک منع محاکمہ سنه دائر مستنطق مخصوص طرفندن ویریلن قرارنامہ نک هیئت اتهامیه جه بالتدقیق مومی الیهک اشخاص سائرہ دن تفریق ایدیلہ چک صفت رسمیه سی اولمادیغی حالده مسئلہ نک محکمه نزدنده بولنان مستنطقه تودیع اولناماسندن ناشی قرارنامہ مذکورک فسخیله محلی مستنطق کی جانبندن تحقیقات اجرا اولمق اوزره اوراقک محلنه ارسالنه قرار ویرلمش ایسده مستنطق تعیین اولنان حاجی آغوب افندی مأمورین حقنہ تعیین ایدیلان مستنطق مخصوص قیلندن اولمایوب مستنطق وظیفه سی ایفاییدن عالم افندی ایله مظنون حاجی فتح اہ افندی میانہ لرندہ عداوت بولمسندن ناشی محکمه جه مومی الیه حقنہ کی تحقیقاتک اجراسنه دیگر اعضا حاجی آغوب افندی مأمور ایدلمش واساساً اربعه قضاسی بدایت محکمه سی نزدنده مستقل مستنطق اولمایوب منتخب اعضادن بریسی وظیفه مذکورہ بی ایفا ایتمکده بولمش اولدینی حالده هیئت اتهامیه جه بونک مستنطق مخصوص عدیلہ بروجه محرر قرار ویرلمسی مغایر قانون اولدیغندن مضبطه مذکورہ نک اصول محاکمات جزائیہ قانونسک اوچبوز قرق یدنجی ماده سی حکمنه توفیقاً بر موجب طلب نقضه ۱۳ تشرین ثانی ۳۲۸ تاریخندہ متفقاً قرار ویرلدی .

سرفیجه سنجانی بدایت محکمه سی جزا دائرہ نک ۴ ضربانہ سنه ۳۲۸ تاریخلی اعلومی صورتیر :

« عمومک کذرکاهنه مخصوص مرعہ بی ترلا آچق صورتیلہ ضبط ایتک جرمنه دائر »

سرفیجه نک میخادره سی نام موقعه کی دره ایچندہ عمومک کذرکاه و حیواناننه مخصوص مرعہ بی ترلا آچق صورتیلہ ضبط ایدلکری ادعاسندن دولایی حق لرندہ اقامه اولنان دعوی اوزرینہ فعل مذکورہ مجاسرتلری شہادات و کندیلرینک اعترافاتیلہ ثابت اولسنه مبنی قانون جزانک ایکبوز آلتش دردنجی ماده سنه توفیقاً اوچر کون مدتلہ حبسلرینہ و اوئر بشلک جزای نقدی اخذیلہ اجرای مجازاتلرینہ دائر سرفیجه بدایت محکمه سی جزا دائرہ سندن ویریلن ۶ مایس سنه ۳۲۸ تاریخ ویوز اون بش نومرولی اعلام غیابی حکمنه اعتراضی حاوی سرفیجه نک دباغخانہ محلہ سندن یکرمی بش یاشندہ بفقچوان و متاهل چوجقسز او قومق یازمق بیلیمین حیدر اسلام امضاسیلہ اعطا قلنان و ۲۰ مایس سنه ۳۲۸ تاریخندہ محکمه جه معامله قیدیہ سی ایفا قلنان

استدعانا مه بو خصوصه متفرع اوراقله برلشدیریلہ رک مطالعه سنه حالیه جزیرانک دردنجی بازار ایرتبی کونی محکمه ده حاضر بولملری ایچون طرفینہ جلبنامہ یازلدی .

یوم معین مذکورده معترض حیدر و معترض علیہ سرفیجه لی شرق اوغلی احمد بالورود مدعی عمومی معاونی فرید بکک مأذوناً درسعادته بولسنه مبنی ریاست اولی جانبندن وکاله کوندیریلن اعضا ملازمی ابراهیم افندی حاضر اولدینی حالده وجاهاً اجرای محاکمہ علینیه مبارتله اعتراض علی الحکم استدعانا سنک مدت قانونیه سی ظرفندہ اعطا و شرائط قانونیه سی ایفا ایدیلوب ایدلیدی حقنہ تدقیقات مقتضیه لدی الاجرا حکم غیابی بی حاوی اعلام محکوم مرقومک ذائنه ۱۶ مایس سنه ۳۲۸ تاریخندہ تبلیغ ایدلمش ایسده اعتراض استدعاسی صورتلرندن برنسخه سنک معترض علیہ احمد اقایہ تبلیغ ایدلیدی آکلاشلش و مطالعه سی صوریلان معاون وکیلی مومی الیه استدعاسک قرائتله اکثفا اولومسنی طلب وادعا و بالاسؤال طرفینہ بوبابده بریدیه چکری اولدیغی بیان و انبایش و محکمه جهده ایشده موجب تدقیق بشقه جهت کورلماکله ختام محاکمہ تفهیم قلندی . ایجاب کیفیت لدی المذاکره معترض حیدرک ویرمش اولدینی اعتراض استدعاسندن برر نسخه سی مدعی و مدعی عمومی به علی الاصول تبلیغ ایتدیرمه مش اولدیغندن شرائط قانونیه ایفاسنه عدم رعایتندہ بولمسی حسدیلہ اعتراض استدعاسک ردینہ و جرم قباحه درجه سنده بولندیغندن مصارف محاکمہ اخذینہ محل اولدیغنه قابل تمیز اولمق اوزره وجاهاً و متفقاً قرار ویریلہ رک وکیل معاون مومی الیه طرفین حاضر ایکن صورت قرار جانب ریاستدن اصولاً و علناً تفهیم قلندی .

محکمہ تمیز استدعا دائرہ نک ۱ قانون اول سنه ۳۲۸ تاریخلی ۲۵۶۲ نومرولی اعلومی صورتیر :

« احکام غیابیه علینده وقوع بولان اعتراضدن مدعی عمومی الیه مدعی شخصیتک

خبردار ایدلمسی مقتضی اولدیغنه دائر »

سرفیجه سنجانی بدایت محکمه سی جزا دائرہ سندن تنظیم قلنان ۴ ضربان سنه ۳۲۸ تاریخ ویوزالتش سکیز نومرولی اعلامک نقضی حقنہ عدلیه نظارت جلیلہ سندن ویریلان امر تخریری اوزرینہ اولبابده کی اوراق باش مدعی عمومیک مأموریت بهیه سندن باتبلیغنامہ محکمه تمیز استدعا دائرہ سنه تودیع ایدلمکله مطالعه اولندی مذکور تبلیغنامہ ده کوی مرعاسنه تجاوز ایتدیکی ادعا قلنان حیدر اسلام حقنہ سرفیجه سنجانی بدایت محکمه سی جزا دائرہ سنده اجرا قلنان محاکمہ نتیجه سنده مرقومک فعل مذکورہ جرأتی ثابت اولدیغندن اوچ کون حبسنه و جزای نقدی ایله محکومیتنه دائر غیباً اتخاذاً اولنان قرار علینہ محکوم مرقوم طرفندن عندالاعتراض جریان ایدن محاکمہ وجاهیه نتیجه سنده حکم معترض بهه عائد اعتراضنامہ نک برر نسخه سنک مدعی شخصی و مدعی عمومی به تبلیغ ایتدیرلماش اولدینی آکلاشلدیغندن بشخله بونقطه دن دولایی اعتراض استدعانا سنک ردینہ قرار ویرلمش ایسده معترض حیدر اسلام طرفندن مدت قانونیه سی ظرفندہ نستختین

اوله رق اعطا قلنسان اعتراض علی الحکم استدعایه سندن بر نسخه سنک ۲۱ مایس سنه ۳۲۸ تاریخنده محلی مدعی عمومی معاوننه تبلیغ ایدلیدی میان اورا قده موجود بولنان علم و خبر مفادندن مستبان اولدینی و اساس دعوی قریه مرعانه تجاوردن عبارت اولوب مسئله ده اعتراض علی الحکم استدعایه سندن بر نسخه سنک تبلیغی لازمکنان حقوق شخصیه مدعیسی غیر موجود بولندینی حالده محکمه مذکورده تدقیقات لازمه اجرا ایدلکسزین اعتراض استدعایه مدعی عمومی به و مدعی شخصی به تبلیغ ایتدیرلمدیکندن بجهتله رد استدعایه قرار ویرلمسی یولسز و مغایر قانون بولنش اولدیکندن کسب قطعیت ایتدیکنی نمایان اولان حکم مذکورک اصول محاکات جزاییه قانونک اوچیوز قرق بدنجی ماده سی موجب امر تحریری نقضی لزومی کوسرتملشد.

ایجابی لدی المذاکره اصول محاکات جزاییه قانونک یوز یتیش برنجی ماده سی منطوقنجه احکام غایبه علیهنده وقوعبولان اعتراض سندن مدعی عمومی ایل مدعی شخصی سنک خبردار ایدلسی مقتضی اولوب آنجی بوجی اعتراض استدعایه لرینک یالکیز مدت معینه سی ظرفده مرجعه اعطا و قید ایدلماش اولسی ردی مستلزم اوله رق بولنرک برر صورتلرینک علاقهدارانہ عدم تبلیغی اسباب ردیه تشکیل ایدیه میجکی و چونکه طرق قانونیه مراجعتک شرائط اساسیه سندن اولان استدعایه سنک اعطاسیله مدت قانونیه محافظه ایدلکدن صکره استدعایه صورتک ویا آروجه تنظیم ایدیلجک لایحه سنک دیگر طرفه تبلیغندن مقصد اولباده کی ادعا و مدافعه دن قبل الحاکمه خصمنی خبردار ایتکدن عبارت اولسنه کوره بونک بالاخره تبلیغی دخی تأمین مقصد کافی اولدینی جهتله حالات مماثلده محاکمه نک یوم آخره تعلیقله اکل نقصان ایدلسی ایجاب ایدرکن محکمه محلیه جه بورالری نظر دفته آنقسزین معترض حیدر اسلامک حکم غایبی علیهنه تنظیم و اعطا ایدلیدی اعتراض استدعایه سنک مدت معینه سی ظرفده صورتلری تبلیغ اولنمادیغی بیانیله ردی جهته کیدلسی یولسز و مستلزم نقض احوال دن ایدو کندن اصول محاکات جزاییه قانونک اوچیوز قرق برنجی ماده سی حکمنه توفیقاً اعلام مذکورک بوسبیدن ناشی بر موجب طلب نقصنه ۲۷ تشرین اول سنه ۳۲۸ تاریخنده متفقاً قرار ویرلدی .

بایندر قضاسی برایت محکمه سنده صادر اولده ۶ ترمز سنه ۳۲۷ تاریخنی والی اوج نومردلی اعلام صورتیمر :

« طریقندن غصب ایدیلن حق مروو حقنده »

بایندر قضاسنه مربوط اووه جق قریه سندن سلیمان اوغلی ابراهیم امضاسیله بایندر بدایت محکمه سی حقوق داره سنه اعطا قلوب دفتر مخصوصنک التمش دوت نومرو سنده مقید ۲۲ حزیران سنه ۳۲۷ تاریخنی عرفخالده اووه جق قریه سی جوارنده و تحت تصرف و تملک سنده بولنان ترلا و باغ و بغچه سنک خواج ضروریه دن اولان مامله نرک و ایجابی حالنده چاشور خانه ده تطهیر ایدیلجک چاشورخانه طریق بر سیاقده عرضاً دوت و بش

و طولاً ایکی یوز زراع قدر اراضی و قریه مزبورده دن مرور عبور ایدن قدیمدن اهالی به ترک و تخصیص المنان طریق قریه مذکورده دن کول عمر اوغلی طوپال ابراهیم ایله قورد عثمان اوغلی خلیل کندی منفعت شخصیه لرینی کوزه ده رک طریق مذکورده سد چکدرک باغ و بغچه و ترلا لرینک مرورینه و صوامق ایچون احتیاج لرینه مانع و مذکور طریق کندی لرینک ترلا لرینه قاریشدیرمش و کچمک امکان خارجنده اولدیکندن مرقوماتک جلیله بالحاکمه طریقندن غصب ایتیش اولدقلمی حق مرورک حال سابقه ارجاعیه صویه و وقوعبولان مداخله نک منعی و بالجه مصارف محاکمه و اجرت و کالت و سائر نک، مرقومانه تحمیلی طلبندن عبارتدر اصولاً طرفینه تبلیغ ایتدیریلان دعوتیه ورقه لرنده معین اوچیوز بکرمی بدی سنه سی حزیرانک بکرمی سکرنجی صالی کونی طرفین اصالة اثبات وجود ایتدیریله علماً و وجهاً محاکمه اجراسنه ابتدار و دعوی عرفخالی بعدالقرائه مدعی مذکور عرفخال مائی تکرار ایتسنی متعاقب مدعی علیهمادن نه دیه چکری صورلدقده بولنردن ابراهیم طریق عامدن ترلا سنه آلاق دیگر طرفدن یول کشاد ایتدیکنی اقرار و دیگر مدعی علیه دخی ارثاً کندیسنه انتقال ایدن ترلای اعمار ایدرک و طریق عامدن ترلا یه الحاق ایله بشقه طرفدن یول آچدقلمی کذلک اقرار و بوجهت حقنده طرفینک بشقه دیه چکنی اولمادیغی اکلاشیله رق کیفیت بالمذاکره بعده ایجابنه باقلمق اوزره محل منازع فیه کشفه و مأمور اعضادن حسین و کاتب قارنوق ایتدیرلک تعیینیه مصارف ضروریه اوله رق الی مجیدیه نک مدعیدن اخذینه و محاکمه نک تموزک التبعی کونسه تعلیقنه بالاتفاق ویریلان قرار طرفینه تفهیم و یوم تعلیقده طرفین کافی السابق اثبات وجود ایدرک قرار سابق موجبجه مأمور مومی الیه طرفندن ویریلوب دوسیه میاننده موجود کشف راپوری طرفین مواجهه سنده لدی القرانه خلاصه مندرجاتی بر موجب قرار قریه مذکوریه بالعزیمه طرفین حاضر اولدقلمی حالده زیرده اسامی سی محرر اهل و قوفله برابر محل کشفه کیدیلوب اولاسید ایدلیدی ادعا اولنان طریقک مدعی علیهمدن طوپال ابراهیم خانه سنک شمال جهته اولان ترلا سی دروننده بولنان قدیم و عمومه مخصوص بولنان شرقدن غربه منسوب طریق دیوار چکمک صورتیه سد و طریق مذکور محلی ترلا سنه علاوه ایدرک ترلا سنک اوست باشندن بشقه جه اون بش دوشم باش طولنده مجدداً طبق کشاد ایدرک طریق مذکور غرب جهته قلان عمومه مخصوص قدیم طریقله برلشدیرلمش اولدینی و دیگر مدعی علیه خلیل دخی یتیمه اولان قیز چوجنک ترلا سنه مجدداً قبووضع ایتسندن آنک جنوبنده اولان مدعی ابراهیمک باغچه سی بوسورتله سد و مرور و عبورینه مانع اولمش اولدینی و مدعابه صویه کلنجه مدعی علیه مرقومان مداخله ایتامکده اولدینی زیرا کندولری کبی مدعینک باغچه سنک دخی طریق حاضر ایچنده جریان ایتکده بولنان صودن مدعینک باغچه سنک دخی حق ساقی بولندینی و چاشور تطهیری محله کلنجه : مذکور طریقک سندن ناشی محل مذکورک مزبور یتیمه نک ترلا سنه علاوه ایدلمش بولندینی عندالکشف کوریلوب اکلاشیله یغنی مبین و ۳ تموز سنه ۳۲۷ تاریخیه مأمور حسین و کاتب قارنوق مهرلریله اهل و قوف مختار اول خلیل اوغلی محمدک اوغلی خلیل و مختار ثانی عمر اوغلی محمد

و قرية مبرورده دن زبيه اوغلي احمد داي مهرلريله مختار مهر كبرلرني محتوي اولديني كوردلكدن صكره مدعي مرقوم سليمان اوغلي ابراهيم عرضحال و راپور مندرجاتي موجبجه مدعي عليهمالك محكوميتي طلب ومدعي عليهما دخي افادات مضبوطه لرني تكرار وبشقه برديه چككري اولديني لدى السؤال اكلاشامش اولمغله محاكمه نك ختامى تفهيم قلندي.

ايجابي لدى المذاكره جريان محاكمه دن كيفيت مستبان اولديني اوزره مدعي عليه مرقومان متصرف اولدقلى ترلارينه طريق عامدن ير غصب والحاق ايتدككري وقوعبولان اقراري واولبايده اعطا اولنوب بالاى اعلامده مندرج راپور ايله تحقق ايتديكندن مارالذك مغبوب طريق عام ايله چاشور محللك حال سابقته ارجاعنه وبوبابده كي مصارف محاكمه نك مدعي عليهمايه تحميلة قابل تميز اولق اوزره ۲۳ رجب سنه ۳۲۹ و ۶ تموز سنه ۳۲۷ تاريخنده بالاتفاق وجاهاً وريبلان قرار على الاصول مدعي و مدعليهمايه تفهيم قلندي.

**

محكمة تميز مرقوم دائره صدر اولده ۱۰ ثانويه اول سنه ۳۲۸ تاريخي ۲۷۳۳ نومرولى اعلام صورتيه:

« قرية اهايسنك قوم محصور ويا غير محصور اولديني بالتدقيق آكا كوره اعطاي حكم اولنسي لزومه دائر »

آيدن ولايتي ملحقاتندن بايندر قضاسنك اووه جق قريه سنده مقيمون كول عمر اوغلي طوپال ابراهيم وقورد عثمان اوغلي خليل ايله سليمان اوغلي ابراهيم بيلرلنده متكون دعوايه دائر قضاء مذكور بدايت محكمه سنندن ۷ تموز سنه ۳۲۷ تاريخي والي اوچ عددي ايله ويريلوب مرقومانن يالكز طوپال ابراهيم طرفندن تميزاً تدقيقي استمدعا قلنان اعلام باش مدعي عموميك مأموريت عليهم سنك مطالعه نامه سي التدقندن صكره يالكز مستدعي تميزك اعتراض لايحه سيله بالمطالعه تدقيقات تميزيه اجراسنه ابتدار قلندي.

اعلام مذكور مندرجاتنه نظر آ مرقوم سليمان اوغلي ابراهيم محكمه مذكوره به باعرضحال مراجعته كندي انتفاعنه مخصوص ماء لذيني ايله چاشور خانه - جامه شويخانه - طريقه اهالي قريه نك من القديم مرور وعبورينه مخصوص طريقه مرقومان طرفندن وقوعبولان مداخله نك منعيه حق مرورك اهالي سابقته ارجاعني طلب ودعوى ومدعي عليهما دخي كچه طريق عامدن ترلارينه بر مقدار محل الحاق ايتديلر ايسده بشقه طرفدن يول آچدقلىرني بيان و تذكر اينلري اوزرينه اجرا قلنان محاكمه وكشف وتدقيقات نتيجه سننده مدعي عليهما مرقومانك بروجه ادعا طريق عام ايله چاشورخانه محلنه تجاوزلري اولبايده كي اقرارلري وكشف راپوري مندرجاتيله شايع اولديغندن مارالذك مغبوب طريق عام ايله چاشور محللك حال سابقته ارجاعنه حكم وقرار وريديكي اكلاشامشدر.

مستدعي تميز طرفندن وريبلان لايحه ده مخصوص مدعي طريق عامدن سرقت ايديلان محلك حال سابقته

ارجاعندن عبارت اولوب بوايسه مستلزم مجازات اولديني وبناءعليه فصل رؤيتي حقوق محكمه سنك وظيفه سنندن خارج بولنديني حاده بروجه محرر بالرؤيه اعلامه ربط اولنسي وكشفك تعريفات قانونيه دائره سننده اجرا قلنامسي ودعوى عموميه عائد اولديني حاده اثنای محاكمه مدعي عمومينك حاضر بولنديرلماستني يولسز ومقابر قانون اولديغندن بيشله اعلامك نقضی طلب و استمدعا قلنمش و سالف البيان مطالعه نامه مفادى دخي لايحه تميزيه ده درميان اولنان اعتراضاتك وارد ايدوكي بيانندن عبارت بولنمشدر.

ايجابي لدى المذاكره هر تقدیر كيفيت مدعا بروجه محرر تحت حكمه النمش ايسده مذكور طريقك هانكي قريه عائد اولديني تعيين ايتديرلكدن صكره واهاليسنك قوم محصور ويا غير محصور اولديني بالتدقيق آكا كوره خصم تعيين ايتدكندن صكره اثنای محاكمه دخي مدعي عمومى حاضر بولنديريله رك مطالعه سنك اخذى اقتضا ايدر ايكن بولندن دخي ذهول ايله بروجه مشروح حكم اعطا اولنسي يولسز ومقابر قانون اولديغندن اصول محاكمه حقوقيه قانونك ايكوز اوتوزايكنجي ماده سي موجبجه اعلام مذكورك تقضيله قانون مذكورك ايكوز قرق درديجي ماده سنك فقره اولاسي حكمه توفيقاً كيفيتك صورت محرره دائره سننده بالرؤيه اعلامه ربطى ضمننده محكمه مذكوره به اعاده سنه واشبو تميز دعوادن طولاني اختيار اولنان مصارف مفرداتي زيرده كوسترلش اولديغندن بوناركده ايلروده حقه سز چيحه جق طرفه عائد اولسنه ۱۰ كانون اول سنه ۳۲۸ تاريخنده متفقاً قرار ویرلدى.

نوفاد سجاغى برايت محكمه سي جزا دائره صدره استيفافاً اعطا قلنايه ۲۱ مارت سنه ۳۲۸ تاريخي اعلام صورتي

« اهاينك اكين ترلارينه حيوان صاليوبرمك ماده سنه دائر »

توقاده تابع قرجله ناحيه سي اهايسنك اكين ترلارينه حيوان صاليوبرمك صورتيه مظلون عليهما قريه مذكوره ده مقيم بادلي عشرين سندن حاجي حورى اوغلي كرد عمر وبرادري عثمانك اوزر كون حبس لرينه واوزر بشللك جزاي نقدي اخذينه دائر ناحيه مذكوره مجلسندن اعطا اولنان اون آلتى نومرولى قراره مرقومان عدم قناعتله استيناف دعواي متضمن اعطا ايتدككري ۲۵ كانون ثانی سنه ۳۲۷ تاريخي استيناف استمدعا نامه سي واوراق متفرعه سي توقاد مدعي عمومى معاوانلكنك ۸ شباط سنه ۳۲۷ تاريخ ويزو الى سكرت نومرولى توديع نامه سيله محكمه به توديع اولمغله بالمطالعه تدقيقات استينافيه اجراسي ضمننده بيك اوچيوز يكرمي سكرت سنه نني مارتك يكرمي كونه تعيين ايديله رك اولوجهله ايجاب ايديلر نام لرينه جلب مذكوره لري املا وارسال قلندي.

يوم معين مذكوره هيئت حاكمه محاكمه مخصوص اوطه ده بالاجتماع مدعي عمومى معاوفى ابراهيم حق بك بالذات حاضر وتبليغات قانونيه اوزرينه مستأفردن بادلي عشرين سندن كرد تيمور اوغلي اوتوز بيش ياشنده

عمر بن تیمور موجود و دیگری کلامش اولدقلری حالد و جاهاً و غیاباً اجرای محاکمه علیه باالابتدار تدقیقات استینافیه اجرا قلندقدده ناحیه مجلسی قرارینک مستأنف مرقومانه ۲۱ ایلول سنه ۳۲۷ تاریخنده تبلیغ و مرقومانک ۲۵ کانونانی سنه ۳۲۷ تاریخنده استیناف استدعانامه سی اعطا وقید ایتدیردکاری آ کلاشلماغه مطالعه سنه مراجعت اولنان معاون مومی الیه هر نه قدر مستأنف مرقومان مدت قانونیه سی مرورنده استیناف استدعانامه سی اعطا ایلدکاری آ کلاشلماغه ایهده محاکم صلیحیه نظامنامه سنک بشنجی ماده سی احکام نتیجه نواحی مجلسنک بش بشلکه قدر جزای نقدی حکملری قطعی و بو مقدار جزای نقدی بی متجاوز اولان و هر حالده حبس جزاسنی مستلزم بولنان قباحث درجه سنده افعاله قابل استیناف اوله رق حکم ایتکه صلاحیتلری اولوب اشبو صلاحیتی متجاوز بر صورتده خلاف قانون ویریلان اشبو قرار و اصول تبلیغی مغایر قانون اولدیغندن استیناف استدعانامه سنک ردیله قرار مذکورک با امر نظارتناهی نقضی اسبابنه توسل ایدلک اوزره اوراقلک مأموریتنه تودیغه قرار اعطاسنی طلب و تذکار و مستأنف عمرده بشقه دیه جکی اولدیغنی بیان ایلدریله ختام محاکمه بعدالفهم ایجابی تأمل اولندقدده مدعی عمومی معاونلکندن وقوعبولان طلب وجهله استیناف استدعانامه سنک ردیله اوراقلک مدعی عمومی معاونلکنه تودیغه متفقاً قرار ویرلدی .

**

محکم تمیز استدعا دائره سنده صادر اولده ۲۵ کانون اول سنه ۳۲۸ تاریخنی ۲۶۲۸ نومرولی اعلام صورتمیر:

«استیناف استدعاسنک مدت قانونیه سی ظرفنده ویریلوب ویرلدیکی کیفیت تدقیق ایدلسی حقنده»

توقاد سنجایی بدایت محکمه سی جزا دائره سنندن استینافاً تنظیم و اعطافلنان ۲۱ مایس سنه ۳۲۸ تاریخلی اعلامک نقضی حقنده عدلیه نظارت جلیله سنندن ویریلان امر تحریری اوزرینه اولباده کی اوراقلک باش مدعی عمومیلک مأموریت بهیه سنندن با تبلیغنامه محکمه تمیز استدعا دائره سننه تودیغ ایدلکه مطالعه اولندی .

مذکور تبلیغنامه قزله ناحیه سی اهالیسنک مزروع ترالارینه حیوان صالیورره رک ایراث خسارایتدکاری ادعا قلنان حاجی سورس اوغلی کرد عمر و برادری عثمان حقارنده ناحیه مذکوره مجلسنجه اجرا قلنان محاکملری نتیجه سننده مظنون مرقومانک فعل مذکوره جرأتلری ثابت اولدیغندن اونرکون مدته حبسارینه واونر بشلک جزای نقدی ایله محکومیتلرینه دائر غیاباً ویریلان اعلامک مرقومانه تبلیغ اولدیغنی ناحیه مذکورده مختاری طرفندن معطی ۲۱ ایلول سنه ۳۲۸ تاریخلی ورقدهده کوسترلیدی و مظنونلر طرفندن وقوعبولان استیناف دعوی اوزرینه توقادسنجایی بدایت جزا محکمه سنجه استینافاً اجرا قلنان تدقیقات نتیجه سننده استیناف استدعا نامه سنک مدت قانونیه نک مرورندن صکره ویرلدیکی آ کلاشلماش ایهده محاکم صلیحیه نظامنامه سنک بشنجی ماده سی موجبنه نواحی مجلسنک بش بشلکه قدر جزای نقدی حکملری قطعی و بو مقدار جزای نقدی بی

متجاوز اولان و هر حالده حبسی مستلزم بولنان قباحته متعلق دعوالری استیناف اوله رق حکم ایتکه صلاحیتلری اولوب اشبو صلاحیتی متجاوز صورتده ویریلان قرار مذکورک اصول تبلیغی مغایر قانون اولدیغندن بخلله اوراقلک طرفنه تودیغی بولنده مدعی عمومی معاونلکسنک سبق ایدن طلبی وجهله استیناف استدعانامه سنک ردیله اوراقلک مدعی عمومی معاونلکنه تودیغه قرار ویرلدیکی منضم اولمش و بش بشلکی متجاوز و هر حالده حبس جزاسنی مستلزم بولنان قباحث درجه سنده کی افعال و حرکانه دائر مجالس صلیحیه دن صادر اولان مقرراتک اولباده کی نظامنامه نک بشنجی ماده سی موجبنه قابلیت استینافیه سی درکار ایهدهده بوباده صادر اولان قرار غیابینک بر صورت مصدقه سنک علی الاصول محکوملره تبلیغی حکم قانون ایجابندن ایکن یالکز مندرجائنک قریه مختاری معرفتیه تبلیغ اولنمسیله وقوعبولان استیناف دعوی اوزرینه اول امرده امر تبلیغک احکام قانونیه دائره سننده اجرا اولوب اولدیغنک تدقیق ایلله تبلیغات واقعه نک اصول مغایرتی آ کلاشلدیغنی تقدیرده یکیدن تبلیغات اجرایی ایچون اوراقلک اعاده سی و اصوله موافق اوراقلک واقع اوله جنی تبلیغات اوزرینه استیناف دعوی اولنورسه اووقت استیناف استدعاسنک مدت قانونیه سی ظرفنده ویریلوب ویرلدیکنک تدقیقه برابر تبیین ایده جک حاله کوره قبولی قرار کیر اولدیغنی صورتده تطبیقات جهندن مغایرت قانونیه سی آشکار اولان قرار ابتدائینک فسخ و اصلاحی مقتضی اولدیغنی حالده اصول تبلیغک مغایرتندن بخلله امر تحریری طریق قانونیه سنه مراجعت اولنق اوزره استیناف استدعانامه سنک ردینه قرار ویرلسی یولسر و مغایر اصول بولنش ایدو کندن بالبحث اکتساب قطعیت ایتدیکی نمایان اولان سالف الذکر حکم استینافی مذکورک اصول محاکمت جزائی قانوننک اوچوز قرق یدنجی ماده سی موجبنه بر موجب امر تحریری نقضی لزومی کوسترلشدر .

ایجابی لدی المذاکره اوراقلک متعلقه مندرجائنک منضم اولدیغنی اوزره ایراث خسار ماده سنندن طولایی مظنون علیه عمر ایلله برادری عثمانک تحدید جزالرینی حاوی لاحق اولان حکم غیابی علیه سننده مرقومان جانبندن معطی استیناف استدعا نامه سنک مدت قانونیه سی ظرفنده ویریلوب ویرلدیکی کیفیت اول امرده حکم غیابی مذکور اعلامی صورت مصدقه سنک مظنونلرک تعریفات قانونیه دائره سننده معامله تبلیغیه سی ایفاقلوب قلنددیغنی بولنده اجرا قلنه جق تدقیقات نتیجه سننده تعیین ایده جک احوال دن اولدیغنی حالده محکمه محلیه ججه بوباده برکونه تدقیقات ایضا قلمه سزین اولباده کی استیناف استدعا نامه سنک مرور مدتدن طولایی ردینه قرار ویرلسی یولسر مغایر اصول و قانون کورنش ایدکندن اصول محاکمت جزائی قانوننک اوچوز قرق یدنجی ماده سی موجبنه اولباده کی اعلامک بر موجب طلب بوندن طولایی نقضه ۲۳ نشرین اول سنه ۳۲۸ تاریخنده متفقاً قرار ویرلدی .

طرسوس قضاسی برایت محکمه سی حقوقه دائره مندره صادر اولاده ۲۳ تموز سنه ۳۲۸ تاریخ و ۱۰۵ نومرولی اعلام صوریندر :

« شرکت دعواسی حقنده »

طرسوسک چلدیرم قریه سندن ذوالفقار زاده حاجی عبدالله امضاسیله طرسوس بدایت محکمه سی تجارت قسمنه ویریلوب ۱۰ مایس سنه ۳۲۸ تاریخنده معامله قیدی سی اجرا قننان استدعاده اوچ یوز یکریمی بش سنه سی قره فصل وقفنک حبوبات اعشاری ملتزمی طرسوسک صوفیلر محله سی ساکنلرندن وتبعه عثمانیه دن قوزه جی عرب مصطفی اقا واطنه یه تابع بیوک چلدیرم قریه سندن حاجی ثابت افندی ایله عشر مذ کوره خارجاً حاجی ثابت ایله عقد شرکت ایدوب وقف مذ کور زراعندن طرسوسک صوفیلر محله سی ساکنلرندن وتبعه عثمانیه دن موسیو خرستوفیدن آلانان بیک التیوز غروش مقابلنده کی حاصلات عشریه سنه مرقومه قارصوران قریه سی ملتزمی چرکس زاده شا کر افندی یه عائد اولدیغندن مومی الیهک وقوعبولان ادعاسی اوزرینه نتیجه محاکمه ده مبلغ مزبورک تحصیلنه حکم اولمغله با اعلام موسیو خرستوفی مبلغ مزبوری اول و آخر وقوعبولان بیک اون بش غروش صاغ اچمه مصارف محاکمه نک بالاخره عرب مصطفی ایله حاجی ثابتدن دعوی ایلک اوزره مختار بولدیغندن تحصیلنه حکم اولمغله رفق اعلامه ربط اولمش و بر موجب اعلام مذ کور بیک التیوز غروشله بیک اون بش غروش مصارف محاکمه طرفندن تحصیل اولمغله رفق اعلام ظهرینه زیری محکوم موسیو خرستوفی طرفندن مبلغ مزبورک اخذ ایتدیکنه دائر امضا اولنوب طرفنه اعطا اولمش واساساً بیک التیوز غروشک سکز یوز غروشی عرب مصطفی اقا ودرت یوز غروشی حاجی ثابت آلمش اولمغله سندن مرقومانک جلبلریله بیک ایکوز رایج اچمه ایله تأدییه اولنان بیک اون بش غروش مصارف محاکمه نک حسب الشریکه ربی کندوسنه عائد اولمغله متبایسنک نصفی عرب مصطفی اغادن وربی حاجی ثابت افندی تحصیل استدعا اولمغله علی الاصول تسطیر و طرفینه تبلیغ اولونان ورقه دعوتیه ده معین اوچ یوز یکریمی سکز سنه سی شهرمایسنک یکریمی طقوزنجی صالی کونی تشکل هیئت حاکمه ده مدعی عمومی معاونی رحی افندی حاضر اولدینی حالده طرفین اصالة بالورود محاکمه وجاهیه علنییه بالا بتدار مدعی مال استدعای تکرارله برابر اثبات مدعا ضمننده ۲۱ مارت سنه ۳۲۸ تاریخ و یوز الی درت نومرولی بر قطعه اعلام وجاهی ابراز ایلکله معامله قیدی سی بالاجرا اوقوتدیلمغله فقره حکمی سی مالی اجرا قننان محاکمه و تدقیقات نتیجه سنده اوچ یوز یکریمی بش سنه سی قره فصل قریه سنی التزام ایدن قوزه جی عرب مصطفی ایله حاجی عبدالله اشبوا اشاره اشتراک ایدرک مرقوم عبداللهک قارصوران قریه سی حدودی داخلنده اولان اراضی امیرییه خواجه خرستوفی طرفندن زرع ایدیلان خنطه نک حاصلات عشریه سی اولان قرق کولک خنطه یی آخر بر ملتزم خواجه خرستوفیدن طلب ایتدیکی تقدیرده عیناً و یا بدلاً مدعی علیه حاجی عبداللهک خواجه

خرستوفییه قارشو تعهد ایتدیکی مبرز اعلامده کی اقراریه تحقق ایتش وهر نه قدر مدعی علیه حاجی عبدالله مبلغ مدعاهک جامع اولدینی قرق کولک خنطه دن التیوزالی غروشی حاجی ثابت و متباقی قالان خنطه وسائر بیده قوزه جی مصطفی اقایه ویردیکنی بیان ایدیورسده اشبو دفعی اثباتدن اظهار عجز ایله یمنلرینه دائر واقع اولان طایب دعوی حادثه اولمق اوزره اشبو دفعی قانوناً شایان قبول کورلیه رک ردیه قوزه جی عرب مصطفی اقا ایله حاجی ثابت افندی حقنده اقامه دعواده مختار اولمق اوزره مبلغ مدعاه بیک التیوز غروشله مصارف محاکمه اولان یدییوزالی درت غروشک مجله نک بیک سکز یوز اون بدی و اصولک التمش سکزنجی ماده لری موجبنه مدعی علیه حاجی عبداللهن بالتحصیل مدعی یه اعطاسنه وزیرده مفرداتی محرر ایکوز التمش بر غروش مصارف محاکمه نک مدعی علیه عائد اولمق اوزره اول امرده مدعیدن استیفا سنه قابل تمیز اولمق اوزره ۸ تشرین ثانی سنه ۳۲۷ تاریخنده وجاهاً و متفقاً قرار ویریلرک علی الاصول طرفینه تفهیم قلدیغنی مبین وزیری مهر رسمی و حاکم محمد فخری امضاسیله مضی اولدینی وظهر اعلامده دخی اشبو اعلامک حاوی اولدینی بیک التیوز غروش رایج اچمه ایله مصارف محاکمه دن متراکم بیک اون بش غروش صاغ اچمه ایله محکوم علیه ذوالفقار اوغلی حاجی عبدالله اغادن تماماً اخذ ایدرک اشبو دعوا دنطولای ذمتی ابرا و حکم اعلامی اسقاط ایتدیکنی مبین وزیر ۱۵ نیسان سنه ۳۲۸ تاریخ و خرستوفی مهر و امضاسی منحوی اولدینی کورلد کدن صکره مدعی مبرز اعلام موجبنه مبلغ مدعاهک مع مصارف محاکمه تحصیلنک تحت حکمه النسنی طلب و مدعی علیهمادن عرب مصطفی ده وکیل رشید افندی بوراده اولمایوب کندوسیده مدافعه یه غیر مقتدر بولدیغندن بروکیل تعیین ایلک اوزره مهل اعطاسنی طلب و دیگر مدعی علیه حاجی ثابت افندی کندوسنک اقامتکاهی اطنه ولایتنه تابع چلدیرم قریه سی اولدیغندن محاکمه نک صلاحیت نقطه سندن اطنه محکمه سنه عائد اوله جنی جهتله دعوانک صلاحیت نقطه سندن ردینه قرار اعطاسنی طلب و مطالعه سنه مراجعت اولونان معاون مومی الیهده مدعی علیهمادن قوزه جی عرب مصطفی اغانک اقامتکاهی طرسوس اولسنه و التزام ایدیلان اعشارک دخی طرسوس حکومتندن اخذ ایدلسنه کوره دعوانک رؤیتی طرسوس محکمه سنه عائد وظائفدن اولدیغنی بیان ایلکله بالتذکر هر نه قدر مدعی علیهمادن حاجی ثابت افندی کندوسنک اقامتکاهی اطنه یه تابع چلدیرم قریه سی بولدینی جهتله دعوانک اقامتکاهی محکمه سنه عائد اولوب صلاحیت نقطه سندن ردی لازمکله جکنی بیان ایدیورسده مدعی علیهمادن عرب مصطفی اغانک اقامتکاهی طرسوس اولوب التزام ایدیلان اعشارک دخی طرسوس مالیه سندن التزام ایدلسنه و مرکز معاملات دخی طرسوس بولسنه بناءً مدعی علیه حاجی ثابت افندی نک صلاحیت حقنده کی مدافعه سندن ردیه دعوانک مرجع رؤیتی محاکمه نک صلاحیتی داخلنده اوله رق محاکمه نک دوا منه بالانفاق قرار ویریلرک تفهیم اولمغله نصکره و مدعی علیه حاجی ثابت افندی کندوسی مدافعه یه غیر مقتدر بولدیغندن بروکیل تعیین ایلک اوزره مهل اعطاسنی طلب ایلکله بالتذکر مدعی علیهما قوزه جی عرب مصطفی و حاجی ثابت افندی مدافعه یه غیر مقتدر بولمغله بر

وکیل تعیین ایلک اوزره محاکمه نیک شهر حزرانک اون ایکنجی صالی کونه تعلیقنه بالاتفاق قرار ویریلرک تفهیم قلمشدی .

اتفاق طرفین ایله معین اولان اوچ یوز یکریمی سکیز سنه سی شهر حزرانک اون طقوزنجی صالی کونی تشکل ایدن هیئت حاکمه ده مدعی طرفندن دیگر اوراق میاننده موجود و محکمه جه معلوم وکالتنامه عمومیه استناداً دعوی وکیل درویش افندی ومدعی علیهمادن عرب مصطفی اغا طرفندن کذلک دیگر اوراق میاننده موجود و محکمه جه معلوم وکالتنامه عمومیه استناداً رشید افندی بالورود دیگر مدعی علیه حاجی ثابت افندی کلامش ومدعی وکیل مرقوم حقنده کی محاکمه غیاباً اجراسنی طلب ایلکله بالتذکر یوم محاکمه نیک بوکون معین اولدینی باورقه دعوتیه ایکنجی دفعه اوله رق مدعی علیه حاجی ثابت افندی به تبلیغ ایدله یی حالده کلامش و طرفندن مصدق سندله بر وکیل کوندر مامش و بر کونا معذرت مشروعه سی اولدیغندن بحثله محکمه یی خبردار ایتامش ومدعی وکیلک طلیده موافق قانون کورلمش اولدیغندن اصول محاکمات حقوقیه نیک یوز قرق بشنجی ماده سی موجب مرقوم حقنده کی محاکمه غیاباً اجراسنه قرار ویریلرک اولوجهله محاکمه وجاهیه وغیابیه علیه بالابتدار هیئتندن تبدل وقوعنه مبنی ضبط سابق بعدالقرائه مدعی وکیل درویش افندی مال استدعای تکرارله برابر بر موجب اعلام مبلغ مدطهک مع مصارف محاکمه واجرت وکالت تحصیلی طلب ومدعی علیهمادن قوزه جی عرب مصطفی اغا وکیل رشید افندی موسیو خرسٹوفی طرفندن تحت حکمه النان خطه موکلی طرفندن التامش وانبارینه دخی تسلیم اولتامش ایدوکنی بیان ومدعی وکیل درویش افندی مذکور خطه نیک قوزه جی عرب مصطفی اغایه تسلیم اولدیغنی چلدریم قریه سندن کودوک عثمان و باقر معدنلی مصطفی اوغلی واریه جی احمد ایله اثبات ایده جکنی وارسلا نیک ارا به سیله کلوب مرقومه تسلیم اولدیغنی بیان ایلکله بالتذکر مدعی وکیل طرفندن حاضر وتسمیه اولونان شاهدلرک اقامه واستماعی ضمننده محاکمه نیک شهر تموزک دردنجی چهارشنبه کونه تعلیقنه متفقاً قرار ویریلرک طرفین وکیللرینه تفهیم قلمدی . یوم معین مذکورده تشکل ایدن هیئت حاکمه ده مدعی وکیل درویش ومدعی علیهمادن عرب مصطفی اغا وکیل رشید افندی بالورود بوجه سابق محاکمه وجاهیه وغیابیه علیه بالابتدار هیئتندن تبدل وقوعنه مبنی ضبط سابق بعدالقرائه کتوریلان شاهد عثمان بن عمر طرسوسک چلدریم قریه سندن اولدیغنی سوبلکله لدی الاشهاد اوچ یوز یکریمی بش سنه سی حاصلات عشریه سندن موسیو خرسٹوفینک چفتلکندن ارسلا نیک عرب جیسی احمد واسطه سیله درت کیله خطه عربیه یوکلیرک طرسوسه کتوروب قوزه جی عرب مصطفی اغایه تسلیم ایتدیکنی کوردیکتی لفظ شهادتله شهادت ایتدکن صکره دیگر کتوریلان شاهد مصطفی بن بکر عن اصل باقر معدنلی اولوب طرسوسک چلدریم قریه سنده مقیم اولدیغنی سوبلکله لدی الاشهاد اوچ یوز یکریمی بش سنه سی موسیو خرسٹوفینک حاصلات عشریه سندن درت کیله خطه ارسلا نیک آربه جیسی احمد آربه سیله طرسوسه کتوروب قوزه جی عرب مصطفی اغایه تسلیم ایلدیکنی کوردیکتی لفظ شهادتله شهادت ایلکله بالتذکر استماع ایدیلان

شاهدانک اولاً سرّاً وبعد علناً تذکیرلرینک اجراسنی ضمننده محاکمه نیک شهر تموزک اون آلتنجی بازار ایتسی کونه تعلیقنه بالاتفاق قرار ویریلرک طرفین وکیللرینه تفهیم قلمدی . یوم معین مذکورده تشکل ایدن هیئت حاکمه ده مدعی حاجی عبده ومدعی علیهمادن عرب مصطفی اغا وکیل رشید افندی بالورود برسابق محاکمه وجاهیه وغیابیه علیه بالابتدار طرسوسک چلدریم قریه سنیک مختار وهیئت اختیاریه سنیک مهر رسمیه سیله تمهور و ۹ تموز سنه ۳۲۸ تاریخلو ورقه مستوره بالقرائه مالی شاهدان مستمعان مصطفی بن بکر ایله عثمان بن عمرک عدل ومقبول الشهاده اولدقاری تصدیق قلتور دیو محرر اولدینی کورلمکله مدعی مذکی علنلرینی کتوره مدیکندن مذکیلری کتورمک اوزره مهل اعطاسنی طلب ایلکله بالتذکر مدعی استماع اولونان شاهدلر ایلله مذکیلرینی کتورمک اوزره محاکمه نیک شهر تموزک یکریمی اوچنجی بازار ایتسی کونه تعلیقنه بالاتفاق قرار ویریلرک طرفین وکیللرینه تفهیم قلمدی . یوم معین مذکورده تشکل ایدن هیئت حاکمه ده مدعی حاجی عبده اصالة وقوزه جی عرب مصطفی وکیل رشید افندی وکالة بالورود بوجه سابق محاکمه وجاهیه وغیابیه علیه بالابتدار هیئتندن تبدل وقوعنه مبنی ضبط سابق قرائت اولندقدن صکره کتوریلان شاهد چلدریم قریه سندن ارسلا نیک بن احمد وحید علی بن محمد حاضر بالمجلس اولان شاهدان مستمعانک عدل ومقبول الشهاده اولدقاری لفظ شهادتله شهادت ایلدکن صکره مدعی علیه وکیل رشید افندی موکلی ادعا اولونان شرکتک حسابی هنوز رؤیت ایتیموب موکلنک حسابنه کوره مدعی ایلله حاجی ثابت افندی قرق طقوز لیرا آله جنی اولوب آنک ایچون آروجه اقامه دعوی ایتدیکنی بیان ایلکده اولدیغندن ورؤیت محاسبه نتیجه سنده موکلنک بورجی دکل آلاجنی ظهور ایدمکچکندن ورؤیت محاسبه یه قرار اعطاسنی طلب ومدعی ده کندوسنده مدعی علیهمک آلاجنی وار ایسه آروجه اقامه دعواده مختار اولدیغنی و بوندن درت سنه مقدم حساباری رؤیت اولنش ایدوکنی بیان ولدی الاستیضاح اشبو شرکته عائد اولان محاسبه یی مدعی علیه عرب مصطفی اغا یالکر کندی کوره نیک اعشاردن یوز لیرا رخ حاصل اولوب کندی حصه سنیه اصابت ایدن یکریمی بش لیرایی ویردیکنی درمیان ومدعی علیه وکیل رشید افندی ده حسابک دفتر اوزرینه کورولسی لازم کلوب بو باده کی دفترکده منتظم دفتر اولدیغندن مدافعه سابقه سی وجه اوزره رؤیت محاسبه یه قرار اعطاسنی طلب وطرفینک بشقه بر دیه جکلری اولمادیغنی ایتاندن صکره ختام محاکمه علناً تفهیم قلمدی .

ایجابی مذاکره اولندی . برمنوال محرر جریان محاکمه دن کیفیت منفهم اولدینی اوزره مدعی حاجی عبده اغانک خلاصه ادعاسی اوچ یوز یکریمی بش سنه سی قره فصل وقفتک حبوبات اعشاری طرسوسک صوفیلر محله سندن قوزه جی عرب مصطفی اغا التزام ایدوب اطنه نیک بیوک چلدریم قریه سندن حاجی ثابت افندی ایلله کندوسی مذکور اعشاره درت حصه اعتباریله ایکی حصه سنی عرب مصطفی اغایه ویردیکی ایکی حصه دن برینک حاجی ثابت افندی به و دیگر برینک ده کندوسنه عائد اولمق اوزره عقد شرکت ایدرک قره فصل زراغندن موسیو خرسٹوفینک قارصوران قریه سی حدودی داخلنده زرع ایتدیکی خطه محصولاتندن درت کیله

حاصلات عشریه بی آخر بر ملتزم طرفندن طلب ایلدیکی تقدیرده عیناً و یاخود بدلاً تأدیه ایدمک شرطیه قره فصل عشری نامنه الوب قوزه جی عرب مصطفی اغایه تسلیم ایدلمش و بالاخره عشر مذکورک قارصوران قریه سی ملتزمی چرکس زاده شا کر افندی طرفندن اقامه ایدیلان دعوی و محاکمه نتیجه سنده قارصوران ملتزمه عائد اولدیغنه حکم اولنهرق موسیو خریستو طرفندن مذکور عشر مومی الیه شا کر افندی به تأدیه اولنمش و موسیو خریستوفیده اولجه واقع اولان تمهد اوزرینه عشر مذکور کوری کندوسندن دعوی و محاکمه نتیجه سنده شریکری عرب مصطفی ایلح حاجی ثابت افندی حقنده اقامه دعواده مختار اولق اوزره تحصیلیه موسیو خریستوفیه تسلیمه حکم اولنهرق استحصال اولنوب ابراز ایلدیکی اعلام موجبیه مذکور درت کيله خطه بدلی اولان بیک التیوز غروش رایج اچمه ایلح بیک اون بش غروش صاغ اچمه مصارف محاکمه کندوسندن تحصیل اولنهرق موسیو خریستوفیه تأدیه اولنمش اولدیغندن درت حصه اعتباریه مبلغ مدعا به بیک آلتیوز غروش سکر یوز غروشی عرب مصطفی اغایه و درتیوز غروشی حاجی ثابت افندی به عائد اولسی و مصارف محاکمه ده ربی کندوسنه و دیگر ربی حاجی ثابته و نصفنکده عرب مصطفی اغایه راجع اوله جنی جهته مبلغ مزبورک مع مصارف محاکمه مدعی علیهمادن تحصیلی طلب و ادعا ایلکدر و مدعی علیهمادن حاجی ثابت افندی بیک برنجی جلسه محاکمه کندوسنک مدافعه به غیر مقتدر بولندیی جهته وکیل تعیین ایلک اوزره مهل قانونی ویرلدیکی حالده یوم [محاکمه] کلدیکندن آنک حقنده غیاباً عرب مصطفی حقنده و جاهاً جریان ایدن محاکمه و تدقیقات نتیجه سنده اوچ یوز یکرمی بش سنه سنده قوزه جی عرب مصطفی اغا طرفندن بدل معلوم مقابلنده التزام ایدیلان قره فصل قریه سی جیوبات اعشاری درت حصه اعتباریه ایکسینک عرب مصطفی اغایه و دیگر ایکی حصه دن برنجی حاجی ثابت افندی به و دیگر بر حصه نکده حاجی عبدالله عائد اولق اوزره عقد شرکت ایدیلهرک قارصوران قریه سنک سنه مرقومه ملتزمی شا کر افندی به عائد اولان درت کيله خطه عشری فضولی اولهرق موسیو خریستوفیدن استیفا اولندقدنصرکه مومی الیه شا کر افندی اقامه ایلدیکی دعوا نتیجه سنده درت کيله خطه بدلی اولان بیک التیوز غروش موسیو خریستوفیدن تحصیلیه حکم اولنمش و موسیو خریستوفیده درت کيله خطه عشرینی اولجه قره فصل قریه سی ملتزمه ویردیکی جهته اقامه دعوا ایدیلهرک اجرا قلمان محاکمه نتیجه سنده درت کيله خطه بدلی اولان بیک التیوز غروش رایج اچمه ایلح بیک اون بش غروش مصارف محاکمه مدعی حاجی عبدالله دن تحصیلیه حکم اولنهرق قضیه محکمه تشکیل ایتمش و بالاده خلاصه سی مسطور بولنمش بر قطعه اعلام موجبیه مزبور حاجی عبدالله اغادن تحصیل اولنهرق موسیو خریستوفیه تأدیه اولندیی و مذکور درت کيله خطه نک آرابه جی احمد آربه سیله نقل ایدیلوب قوزه جی عرب مصطفی اغایه تسلیم ایلدیکی بالاده خلاصه سی مسطور و ۲۱ مارت سنه ۳۲۸ تاریخ و یوز الی درت نومرولی اعلام مندرجاتی اولاً سرآ و بعداً عاناً تذکیرلی بالاجرا عدل و مقبول الشهاده اولان شاهدلرک شهادتیه ثابت اولمش و هر نه قدر مدعی علیهمادن عرب مصطفی اغا وکیلی رشید افندی صوک مدافعه سنده ادعا

اولونان شرکتک هنوز حسابی رؤیت اولمایوب موکلی عرب مصطفی کندوسنجه رؤیت ایتدیکی محاسبه ده مدعی ایلح حاجی ثابت افندی قرق طقوزلیرا آلاجنی ظهور ایدوب مبلغ مزبوری ده آروجه اقامه دعوی ایتدیکی بیانه رؤیت محاسبه به قرار اعطاسی درمیان ایدوب ایسه ده اشبو مدافعه سنک محاکمه نک ختام درجه سنه کلدیکی بروقتده بیان ایلسنه و مبلغ مدعا بیک آروجه اقامه دعوا ایتدیکی افاده ایلسنه مبنی اشبو مدافعه نک اولجه ایکی دفعه حکمه ربط اولنمش اعلاماته قارشو تأثیری اوله میه جغندن ردیه مجله نک بیک سکر یوز اون یدی و بیک سکر یوز اون سکر و اصول محاکمات حقوقیه نک التمش سکر ننجی ماده لری موجبیه مبلغ مدعا به درت کيله خطه بدلی اولان بیک آلتی یوز غروش رایج اچمه دن سکر یوز غروش نک مدعی علیهمادن عرب مصطفی دن و درت یوز غروش نک حاجی ثابت افندی و بیک اون بش غروش مصارف محاکمه دن بشیوز التی غروش صاغ اچمه نک عرب مصطفی اغادن و ایکی یوز الی اوچ غروش نک حاجی ثابت افندی دن بالتحصیل مدعی به اعطاسنه وزیرده مفرداتی محرراوچ یوز الی ایکی بقی غروش مصارف محاکمه نک مدعی علیهمایه عائد اولق اوزره اول امرده مدعیدن اخذ و استیفا سنه قابل اعتراض و تمیز اولق اوزره ۲۳ تموز سنه ۳۲۸ تاریخنده عرب مصطفی اغا حقنده و جاهاً و حاجی ثابت افندی حقنده غیاباً و متفقاً قراو ویریلهرک علی الاصول علناً طرفینه تفهیم قلندی .

محکمہ تمیز حقوق داره سنده صادر اولده ۱۹ ثانوه اول سنه ۳۲۸ تاریخ و ۲۹۳۵ نومرولی اعلام صورتیر :

« دعوی واقعه بی رؤیت حقوق محکمه سنه عائد اولدیغی حالده تجارت صفتیه کورولسی موجب نقضدر »

طرسوسک صوفیلر محله سنده مقیم قوزه جی عرب مصطفی اغا و آطنیه تابع بیوک چیلدیرم قریه سنده ساکن حاجی ثابت افندی ایلح طرسوسک چیلدیرم قریه سنده مقیم ذوالفقار زاده حاجی عبدالله افندی بیننده متکون دعوا به دائر طرسوس بدایت محکمه سنندن تجارت صفی و ۲۷ ایلول سنه ۳۲۸ تاریخ و یوز بش عددی ایلح ویریلوب مرقوماندن عرب مصطفی اغا طرفندن تمیزاً تدقیق استدعا قلمان اعلام بالکسر مستدعینک اعتراض لایحه سیله مطالعه و تدقیق اولندی .

اعلام مذکور مندرجاتنه کوره مومی الیه حاجی عبدالله افندی محکمه مذکوریه باعرضحال مراجعتله اوچ یوز یکرمی بش سنه سنده مرقوم عرب مصطفی اغا طرفندن بدل معلوم مقابلنده التزام ایدیلان قره فصل قریه سی جیوبات اعشارینک درت حصه اعتباریه ایکسینک عرب مصطفی اغایه و دیگر ایکی حصه دن برینک حاجی ثابت افندی به و دیگر برینک دخی کندوسنه عائد اولق اوزره بینلرنده عقد شرکت ایدیلوب قریه مذکور زراعتدن خریستوفیدن آلتان بیک آلتی یوز غروش مقابلنده کی حاصلات عشریه حقنده قارصوران قریه سی

ملتزمی شا کر افندیك كندوسنه عائد اولديغندن بحثله اقامه ایلدیكى دعوی اوزرینه مبلغ مذکورك مرقوم خرسٹوفیدن تحصيله قرار ویرلمش وخرستوفی دخی اولبایدیكى تمهیدینه بناء رجوعاً بالدعوی مبلغ مذکورى مع مصارف محاکمه كندوسندن تحصيل ایلش واساساً بیک آلتی یوز غروشك سكر یوز غروشی مصطفی افا ودرتیوز غروشی دخی حاجی ثابت افندی آلمش اولدقلرندن مرقومانك بالجاب بیک ایکی یوز غروش رایج آتیه ایله مصارف محاکمه اوله رق تأدییه اولنان بیک اون بش غروشك حسب الشرکه ربی كندوسنه عائد اولمغله متباقيسبك نصفك عرب مصطفی اغادن وربعك دخی حاجی ثابت افندیك تحصيلی طلب ودعوی وبر قطعه اعلام ابراز واعطا ایتسینه قارشو مدعی علمه مان حاجی ثابت افندی كندوسنك اقامتگاهى اطنه اولدیفی جهتله دعوی واقعه یی رؤیته محكمه نك صلاحیت اولمادیغی و دیگر مدعی علیه مصطفی افا دخی خرسٹوفی طرفندن بدلی طلب اولسان حظه كندوسى طرفندن آلمادیغی کبی انبارینه ادخی وضع و ادخار اولمادیغی ومع هذا مدعی ایله هنوز حسابلری رؤیت ایلدیكى جهتله رؤیت حساب ایدلمسنى مدافعه بیان و انبا ایللری اوزرینه اول امرده مدعی عمومی حضوریه درمیان ایدیلان صلاحیت ادعایینك ردینه قرار ویرلدكن صکره تعیین قلنان کونده مدعی علمه مان حاجی ثابت افندیك دعوتیه عدم اجابتیه بناء آنك حقه نده غیاباً اجرا قلنان محاکمه وتدقیقات نتیجه سنده مدعا به مبلغ مرقوم خرسٹوفی طرفندن بالدعوی مع مصارف محاکمه مدعی حاجی عبده افندیك تحصيل اولدیفی مبرز اعلام مندرجاتیه ثابت اولدیفی کبی بدلی طلب اولسان حظه نك دخی مرقوم مصطفی اغایه تسلیم اولدیفی استماع اولسان شهود منكانك شهادتیه ثابت اولمسنه ومدعی علیه عرب مصطفی آفانك رؤیت محاسبه حقه نده کی طای محاکمه نك ختام درجه سنده کلدیكى اناسنده درمیان اولمغله برابر آروجه اقامه دعوی ایتدیكى دخی بیان ایتسینه بناء مدافعه واقعه نك ردیه مدعا به حظه بدلی اولان بیک آلتی یوز غروشك سكر یوز غروشك مصطفی افا ودرت یوز غروشك حاجی ثابت افندیك و بیک اون بش غروش مصارف محاکمه دن بشیوز آلتی غروشك كذلك مصطفی افا وایکی یوز آلتی اوچ غروشك دخی حاجی ثابت افندیك بالتحصیل مدعی به اعطاسنه حکم وقرار ویرلدیكى آكلاشلمشدر .

مستدعی طرفندن ویریلان لایحه تمیزیه ده : دعوانك شرکتدن منبعث اولسنى حسیله کیفیتك میزلمعرفتیه حل وفصلی لازم کله چکی حقه نده درمیان ایلدیكى ادعاسنك نظر دفته آلماسى ورؤیت محاسبه حقه نده کی طلبنك مغایر قانون بر صورتده رد ایدلمسنى یولسز اولدیغندن بحثله اعلامك تقضى طلب واستندا ایدلمشدر .

ایجابی لدی المذاکره کیفیت هر نه قدر بر منوال محرو حکم واعلامه ربط ایدلمش ایسه ده دعوی واقعه یی رؤیت حقوق محكمه سنه عائد اولدیفی حالده تجارت محكمه سى صفتیه کورلمسنى یولسز اولدیفی کبی مدعی دعوی عرفه نده خرسٹوفیدن آلنان بیک آلتی یوز غروش مقابلنده کی حاصلات عشریه سنك دیگر قریه ملتزمی شا کر افندی به عائد اولدیغندن اولبایدی صادر اولان اعلام موجبجه مبلغ مزبورك مع مصارف محاکمه خرسٹوفیدن آله رق شا کر افندی به ویرلمسنه حکم اولمش اولدیغندن مرقوم خرسٹوفینك اعلام مذکوره بناء

تأدییه ایتدیكى مبلغ كندوسى طرفندن ویرلمش واساساً مارالذکر بیک آلتی یوز غروشك سكر یوز غروشی مصطفی افا ودرت یوز غروشی حاجی ثابت افندی آلمش اولدقلرندن بیک ایکی یوز غروش رایج آتیه ایله بیک اون بش غروش مصارف محاکمه نك مومى الیه مان تحصيلی طلب ودعوی ایتش واثبات مدعا ضمنتده ابراز ایتدیكى اعلامده قرق كولك حظه یی آخر ملتزم خرسٹوفیدن طلب ایتدیكى تقدیرده عیناً ویا بدلاً تأدییه مدعی عبداللهك تعهد ایتدیكى اقرار ایلدیكندن بحث اولمش اولمسنه نظراً مدعیك دعوی واقعه یی بیک آلتی یوز غروشی كندوسنك خرسٹوفیدن آلوب مدعی علمه مانه ویردیكندن طولایمی یوقسه تعهد مذکورینه منبى می طلب ایتدیكى تعیین ایتدیریله رك دعواسنى تصحیح ایتدكن صکره محاکمه اجرا اولمق لازم کله ایکن مدعیك غیر مصحح اولان دعواسنك رؤیت وتدقیق ایدلمسنى یولسز ومغایر قانون اولدیغندن اصول محاکمه حقوقیه قانوننك ایکی یوز قرق برنجی ماده سى موجبجه اعلام مذکورك نقضیه قانون مزبورك ایکی یوز قرق دردنچى ماده سى حکمنه توفیقاً کیفیتك محكمه مذکوره به اعاده سنه واشبو دعوان طولایم اختیار اولوب زیرده مفرداتی مرقم مصارفك ایلروده حقسز حقیقه حق طرفه عائد اولمسنه ۱۹ کانون اولسنه ۳۲۸ تاریخنده اکثریتله قرار ویرلدى .

محكمه تمیز حقونه دائره سنده صادر اولده ۵ ثانیه تانی سنه ۳۲۷ تاریخى ر ۳۱۸۲ نومردى اعلام صورتیه :
« منع مداخله حقه نده »

نفس قونیه نك زنجیرلی یا یلاسندنه مقیم قدا تقجی حاجی مصطفی ایله شیخ علمان یخشى محله سنده بسا کن مکتب اعدادی معلملرندن حاجی یوسف افندی بیننده متکون دعوییه دائر قونیه بدایت محكمه سنندن ۸ ایلول سنه ۳۲۷ تاریخى واوچ یوز یتش طقوز عدلیه ویرلوب مرقوم حاجی مصطفی طرفندن تمیزاً تدقیق استندا قلنان اعلام یالکوز مستدعینك اعتراض لایحه سسیله بالمطالعه تدقیقات تمیزیه اجراسنه ابتدار اولندی . اعلام مذکور مندرجاتنه کوره : مومى الیه حاجی یوسف افندی محكمه مذکوره به باعریض حال مراجعتله : باطابو متصرف اولدیفی خانه سنك اتصالنده کی بغچه سنك دروندن برکونا حق مرور وحق بحراسى اولمادیغی حالده مرقوم حاجی مصطفی بعضاً لیللاً معلوماتی اولمادیغی برزمانده صو کچیره رك مزروعات وحاصلاتی اتلاف واحسانه سبیت ویرمکده اولدیغندن بحثله مرقومك بالجاب محاکمه نك اجراسیله مداخله واقعه سنك منعی طلب ودعوی ومدعی علیه دخی مدعیك ادعا ایلدیكى صو یولندن قدیماً صو کچر وآراده بولنان اوچ بغچه نك حق سقی اولدیغنی ومدعی دخی بویه برحال غیر مسبوق وبناء علیه حادث اولدیفی بیسان وتذکار ایللری اوزرینه محكمه جه مدعی، مدعی علمه مذکور بغچه دن مروری وصو اجراسى حادث اولدیفی ومدعی علیه قدیم ایدوکنی ادعا ایتلرینه وحادث بینه سنك قدم بینه سنه ترجیح ایدیله چکی احکام قانونیه دن بولمسنه بناء

مدعی مرقومك حدوث حقنده کی ادعاسنك بالینه لزوم اثباته قرار ویرلدکن صکره جریان ایدن محاکمه و تدقیقات نتیجه سنده: مدعا به مجرائك حادث اولدینی اولباده اقامه واستماع قلنان شهود معدله نك شهادات واقع لرله ثابت اولسنه بناءً مجله نك بيك ايكي يوز يكرمی التي وبيك يدي يوز التمش سكر وبيك سكر يوز اون سكرنجي ماده لری احكامنه توفيقاً مدعی علیك احداث ایلش اولدینی صو یولنك رفعیه مداخله سنك منعنه حکم وقرار ویرلدیکی آکلاشلمشدر.

میز مرقوم حاجی مصطفی طرفندن ویریلان لایحه اعتراضیه ده عندالحاکمه درمیان ایلدیکی قدیم ادعاسنك نظردفته آلتیه رق بروجیه مشروح قرار ویرلسی یولسز و مغایر قانون اولدیغندن بخله اعلامك نقضی طلب واستدعا اولمشدر.

ایجاب کیفیت مذاکره اولندقد: خصوص مدعا هر نه قدر بروجیه محرر قراره ربط اولتمش ایسه ده مدعی بغیر حق تحت تصرفنده اولان محله مدعی علیك صواجرا ایتمکده اولدیغنی و بناءً علیه منع مداخله سنی دعوی ایتسنه قارشو مدعی علیه محل مذکورده حق مجراسی اولدیغنی و بحق صواجرا ایتمکده بولندیغنی ادعا ایلسنه نظراً مدعی علیه برحق سبیل دعوی و مدعی دخی اشبو دعوائی انکارده بولتمش اولغله علی الاصول مدعی علیه محل مذکورده حق مجراسی اولدیغنی اثبات ایتدیرمك وایده مدعیکی صورتده طلیله مدعی تحلیف ایدمك اقتضا ایدر ایکن بوجهندن ذهول اولنه رق بروجیه مشروح بینه استماعیه بروجیه محرر قرار ویرلسی یولسز و مغایر قانون اولدیغندن اصول محاکمه حقوقیه قانوننك ایکی یوز اوتوز ایکنجی ماده سی موجبجه اعلام مذکورك نقضیه قانون مزبورك ایکی یوز قرق دردنجی ماده سی حکمنه توفیقاً کیفیت صورت محرره دائره سنده بالرؤیه اعلامه ربطی ضمنتده محکمه مذکوریه اعاده سنه واشبو تمیز دعواسندن طولای اختیار اولنان مصارف زیرده مفرداتی کوسترلش اولدیغندن بولنك ایلروده حقسز حقیقه جق طرفه حاند اولسنه ۵ کانون ثانی سنه ۳۲۷ تاریخنده متفقاً قرار ویرلدی.

شورای دولت مضبط لری

شورای دولت مختلف مرسومك ۴ قانونه اول سنه ۳۲۸ تاریخنی و ۱۱۳ نومردلی مضبطه سی صورنیر:

«آحاددن شریك جری اولان قریه مختارینه اسناد اولنان رشوت جرمنك محاکم عمومیه ده رؤیتی لزومنه دائر»

قرعه افرادندن عزیزك یرینه تبدیلاً محمود نام شخصی عسکره ویره رك مرقوم عزیزدن رشوت اخذ ایلسندن دولای مظلون علیه اولان بیانلو قریه سی مختار اولی عطیه بن ولی و مختار انتخابی ایچون قریه مز کوره اهالیسی طرفندن تنظیم اولنان مضبطه ده تبدیل اسم صورتیه تخریفات اجرا و قریه مذکورده لری کریم

کریم زینله حاند اراضی بی نام مستعارله دیگرینه فراغ و اقرباسندن می کامکی عسکردن قویارمق فکریله فوت و متوفی محمود رمضانك وراثتی یالکز مخدوملرینسه حصر ایلک و برجیات کریمه لرینی کتم و اخفا ایلک ماده لرندن دولای مظلون عایهم اولان مرقوم عطیه بن ولی ایله مختار ثانی محمد عبده و امام عبده بن محمد حقنده کی تحقیقاتك اجراسنجه ملکیه و عدلیه مستنطقلری آره سنده تحث ایدن اختلافك حلی ضمنتده عدلیه نظارتندن بالتقدیم شورای دولته حواله بیوریلان ۳ جزیران سنه ۳۲۸ تاریخلی وایکی یوز اون سكر نومرولی تذکره ملفوفلری انجمن اختلافه تودیع اولنسیله شورای مذکور تمیز مدعی عمومیلکندن یازیلان مطالعه نامه ایله برابر قرائت اولندی.

کروکک سنجانی مجلس اداره مستنطقك قرارنامه سنده مظلون مرقومك افعال مسرووده به اجتناسارلری حقنده اخبارت و امارات حاصل اولمش ایسه ده راشی صفتنده یولنان مرقوم عزیزك آحاددن اولسنه و بویکیرك محاکمه سی ایسه محاکم عمومیه حاند و افعال واقع جرائم مرتبطه دن بولغله برابر فك و تفریق قبول ایتیه چکنه بناءً مختارلر كده آحاددن اولان مرقوم عزیزه تبعاً محاکمه لرینك اجراسی ضمنتده بوبابده کی اوراقلك جهت عدلیه تودیعی و عدلیه مستنطقلغك قرار نامه سی مألنده دخی مواد مدطادن یالکز عطیه نك مرقوم عزیزدن بر ایرار رشوت آله رق آنك یرینه محمود نامنده برینی عسکره ویردیکنندن بخله اوراقلك جهت عدلیه تودیعی مجلس اداره مستنطقك قرارنامه سنده کوستریلور سنده بوبابده کیملرک معلوماتی اولوب اولمادیغك و حقیقه مرقومک یرینه محمود نامنده برینك عسکره آلتوب آلتادیغك جهت عسکرینه دن و رشوت جرمی تکمیل ایدوب ایتدیکنك و مختارك مظلونیتی تمامیه آ کلاشیلوب آ کلاشلمادیغك تحقیقی لازمهدن اولسنه و بومثللو افراد اهالی ایله مشترکاً ایقاع جرم مأمورین ملکیه محاکماتی افراده تبعاً محاکم عمومیه ده رؤیت اولسنی اول امرده حقلرنده اداره تحقیقات اولیه اجرا اولندقدن و مجلس اداره جه لزوم محاکمه لرینه قرار ویرلدکن جهت عدلیه تسلیم ایدملرینه متوقف اولدینی واشبو رشوت ماده لری ایسه اساساً مختار عطیه نك وظیفه ملکیه سندن منبعث اولسیله علی الاصول جهت ملکیه جه تعقیبات اولیه اجرا اولنه رق لزوم محاکمه سنه قرار ویرلدیکی تقدیرده تنظیم اولنه جق مضبطه اوزرینه افراددن اولان شخصه تبعاً مرقوم حقنده جهت عدلیه جه تعقیبات قانونیه اجرا اولنه جفندن مقتضای قانونسنك اجراسی ضمنتده بوبابده کی اوراقلك ملکیه مستنطقلککنه تودیعی لازم کله جکی و تمیز مدعی عمومیلککنك مطالعه نامه سنده مرقوم عطیه قرعه افرادی عزیزدن بر لیرا رشوت آله رق یرینه محمود نامنده برینی عسکره ویردیکی اجرا قلنان تدقیقات و مقتضیات قانونیه نتیجه سنده تحق ایتسیله مختار و رفقاسنك مجلس اداره جه لزوم محاکمه لرینه قرار ویریه رك تحت محاکمه آلدق لری و محاکمه مأمورین نظامنامه سنك ذیل موجبجه افراد اهالیدن بریه ایقاع جرم ایدن مأمورین محاکماتی آحاددن اولان مرقوم عزیزه تبعاً مجله سنك اجرای محاکمه لری محاکم نظامیه حاند اولدینی درمان قلنمشدر.

مقتضای لدی المذاکره تمیز مدعی عمومیکنک مطالعه نامه سنده دخی کوسترلدیکی وجهله قریه مذکوره مختار اولی عطیه بن ولی نه اسناد اولنان جرائم مختلفه میاننده رشوت اخذی ده داخل اولوب مرثشی کبی راشی دخی مجرم اولق اعتباریه آحاددن شریک جرمی موجود دیمک اولان مختار مرقومک مأمورین ملکیه نظامنامه سنده مدیل ماده مخصوصه موجبینجه اشبو قانوندن دولای آحاددن اولان شخصه تبعاً محاکم عمومیه ده اجرای محاکمسی لازم کله جکی و جرائم مجتمعه قاعده لرینه تطبیق اولنه بیلیمک ایچون دیگر جرملرینک توحیداً تحقیق ورؤیتی اقتضایده جکی و صوک جرملرنده مشارک اولان امام و مختار ثانی قریه نک دخی برلکده وعینی محکمه ده محاکمیری ایجابات قانونیه دن بولندینی و بوباده اداره تحقیقات اولیه اجرا اولنماش اولسی رد دعوائی مستلزم اولسه بیلله قرار عطفی اتخاذینی موجب اولمادینی و تحقیقات استنطاقیه ده کی نقصانک ایسه اکیلی مقتضی ایدوکی جهته عدلیه مستنطقنک اصابت قانونیه کوریه میان عدم وظیفه قرارینک فسخیه مقتضیات قانونیه ده دوام اولنق اوزره لفاً تقدیم اولنان اوراق دعوانک عدلیه نظارتنه ارسالی و داخلیه نظارتنه آکا کوره معلومات اعطاسی تذکر قلندی اولباده .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنک لیسته سی

(مابعد)

اوراق نومروسی	اسامی محاکم	مميز	مميز عليه	نوع قرار	تاریخ قرار
۲۸ ۴۱۳	سینوب تجارت	امین	عزت افندی و ابراهیم افا	نقض	۲۸ نیسان سنه ۳۲۸
۲۸ ۲۵۴	درسعات برنجی حقوق	اسماعیل زهدی افندی	استانبول ولایتی	تصدیق	»
۲۸ ۴۹۰	ادرنه	تیمور افا	عاکف	نقض	»
۲۸ ۱۶۶	معموره العزیز بدایت	مناس و سرکس	اوخانس افندی	»	»
۲۸ ۵۳۰	قسطنونی	سخر خانم	جمیل	»	»
۲۸ ۴۳۵	بلواج بدایت	عمر و سیمان	حاجی خلیل	»	»
۲۸ ۴۸۴	اسکندرون بدایت	ماری ضا قسطنطین	میخائیل اطناش	»	»
۳۹۱	حلب استیناف	فتح افندی و رفقاسی	امینه خانم	»	»

اوراق نومروسی	اسامی محاکم	مميز	مميز عليه	نوع قرار	تاریخ قرار
۲۸ ۶۳۷	انقره بدایت	اغوب افندی	نیکدار خانم	نقض	۲۸ نیسان سنه ۳۲۸
۲۸ ۶۷۶	فاتسه بدایت	رمزی افندی و زکیه خانم	حاجی محمود افندی	»	»
۲۸ ۶۸۴	اکری درجه بدایت	رحیمه	محمود	»	»
۲۸ ۶۴۸	پتربچ بدایت	وبسکو	رسپو	»	»
۲۸ ۴۳۸	قواله بدیت	محمد افندی	ملا مؤمن	تصدیق	»
۲۸ ۵۴۴	آیدین استیناف	عثمان	نوری	»	»
۲۸ ۶۴۰	کسریه بدایت	پنایوط	دیمتر اکی	نقض	»
۲۸ ۴۹۷	کوتاهیه بدایت	لفتر	لئونیدی	تصدیق	»
۲۸ ۵۶۵	پرزرین بدایت	سلیمان افا	عالمشاه	نقض	»
۲۸ ۵۷۲	ازمیر بدایت	عاده خانم	زینب خانم	»	»
۲۷ ۳۸۲۰	بنیان بدایت	میخال	صوفیه و علیکسان	تصدیق	»
۲۸ ۶۴۳	تیمور حصار ملیح محکمه سندن ناشقو	خلیل افندی	»	»	»
۲۸ ۳۷۸	ادرنه بدایت	ادرنه بلدییه سی	نیقوله	نقض	»
۲۸ ۴۷۰	بایزید بدایت	دیمتری	یورکی	تصدیق	»
۲۸ ۶۱۷	قره حصار صاحب بدایت	حاجی احمد افندی	قره بت افندی	نقض	۲۹ نیسان سنه ۳۲۸
۲۸ ۸۸	درسمادت استیناف	شوقی افا	صالح بک	»	»
۲۸ ۶۵۴	سوکه بدایت	حاجی ضیا بک	ناهده خانم	تصدیق	»
۲۸ ۶۷۰	مرزیفون بدایت	اوخانس	انطرانیک	»	»

اوراق نومروسی	اسامی محاکم	ممیز	ممیز عالیہ	نوع قرار	تاریخ قرار
۲۸ ۶۶۹	رادویشته صالح محکمہ سندن رستو		ماغده	تصدیق	۲۹ نیسان سنہ ۳۲۸
۲۸ ۶۷۱	ردوس بدایت	حسنی افندی	فیضی افندی	»	»
۲۸ ۷۰۵	حلب استیناف	عبدالقادر افندی	زینب خانم	»	»
۲۸ ۵۴۵	یانیه استیناف	یورکی ورفقاسی	علی ویانی	»	»
۲۸ ۶۵۹	پیکار حصار بدایت	قسطندی	میخائیل	نقض	»
۲۸ ۶۶۱	بغداد بدایت	علی	شوخیط	»	»
۲۸ ۶۵۲	ازمیر بدایت	بیرام	مصطفی افندی	تصدیق	»
۲۸ ۶۵۱	سوکہ بدایت	استماط	قلیاتی	»	»
۲۸ ۶۶۲	دورک بدایت	علی	جیبہ	»	»
۲۸ ۶۶۵	در سعادت استیناف	نعمان	احمد	»	»
۲۸ ۵۷۴	صومہ بدایت	دیمتر کی غوناری	اصادور افندی	نقض	»
۲۸ ۳۶۳	قصبہ بدایت	یوردان	استلیو افندی	تصدیق	»
۲۸ ۴۵۱	خداوندکار استیناف	بدرہ قریبہ سی اہالیسی	عیسی ویران قریبہ سی اہالیسی	نقض	»
۲۸ ۵۲۰	مکری بدایت	ملا مصطفی	اندون	»	»
۲۸ ۶۹۷	لاذقیہ بدایت	عمرو عبول	فاطمہ وسائر	تصدیق	»

(مابعدی وار)

قانونی اعتبار

لاهی پولیچہ قونفرانسندہ صورت قطعیدہ قبول اولنان مقاولہ دولیہ ایلہ
نظامنامہ مشترک وچک حقندہ کی مقررات موقتہ صورتلریدر.

(کچن نسخہ دن مابعد وختام)

کفالت و تأدیہ دائر

اون برنجی مادہ چک قبول اولنہ ماز چک اوزرینہ تحریر اولنان قبول کان لم یکن عد اولنور،
برچکک قبولی و تصدیقی و یاخود تورلمشدر عبارہ سیلہ توشیحی قبول ایتک و بونلرک احکامی برقاعده
ربط ایلک دول متعاقده نک اختیارینہ ترک اولنمشدر.

اون ایکنجی مادہ برچکک تأدیہ سی اوال تعبیر اولنور کفالت اعطاسیلہ تأمین اولنہ بیلیر. اشبو کفالت
مخاطبدن ماعدا بر شخص ثالث طرفدن و یاخود چکی امضا ایدنلردن بری جانبندن بیلہ اعطا اولنور.
قامیو پولیچہ سی وامرہ محرر سندنہ متعلق نظامنامہ مشترک اوالہ دائر اولان اوتوز و اوتوز برنجی
مادہ لری چک حقندہ دخی قابل تطبیق قدر.

اون اوچنجی مادہ چکک کورلدیکی اندہ تأدیہ سی لازم کلیر. دیگر نوع بروعدہ نی شامل اولان برسند
چک اولمق اعتباریلہ کان لم یکنند.

اون دردنجی مادہ چک محل تأدیہ نک قانونیہ تعیین اولنہ جق بر مدت ظرفندہ تأدیہ ایچون ابراز
اولنلیدر. مدت مذکورہ لا اقل اون کون اوله جقدر.

دول متعاقده کرک کندی مملکتلرنده و کرک بشقہ بر مملکتندہ موقع تداوله چیقاریلان چککرک مدت
ابرازی تزیید ایتک صلاحیتی حاضردلر.

چکک بر تقاص خانہ ابرازی تأدیہ ایچون ابرازی حکمندهدر.

تقاص خانہ نظریلہ باقیلان مؤسسائی تعیین ایتک دول متعاقده یه طأندر.

اون بشنجی مادہ بر چک تقویملری مختلف اولان ایکی محل اره سندنہ کشیدہ اولندیقی تقدیرده موقع

تداوله وضع اولنديني كون محل تأديه تقويمك اكا مقابل اولان كونه تحويل اولنه جقدر .

اون التنجي ماده كشيده جينك وفاتي وياخود چكك موقع تداوله اخراجندن سوكره ظهوره كلان عدم اهليتي چكك حكمنه خلل ايراث ايتز .

اون يدنجي ماده چكك ناطق اولديني وكالتك فسسخي انجق مدت ابرازك گذرانندن سوكره حكم افاده ايدر . اكر كشيده جي وياخود حامل چكك غائب اولديني وياخود حيلهلي بر معامله ايله بر شخص ثالثك عهده سنه كچيرلديكني مخاطبه اخبار ايدرلر ايسه چكك ذي اليدي اني صورت مشروعه ده عهده سنه كچيرمش اولديني اثبات ايتدكجه تأديه ايدن مخاطبك ذمتي بري اولماز .

وكالت فسسخ اولنديني حالده مخاطب مدت گذرانندن سوكره دخي چكي تأديه ايتك حقيقي محافظه ايدر . اون سگزنجي ماده مخاطب چكي تأديه ايتديكي تقديرده حامل طرفندن مبلغك قبض اولنديني ناطق شرح ويرهرك كنديسنه تسليم اولنمسي طلب ايده بيلير .

حامل قسماً تأديه ني قبولدن استنكاف ايده بيلير .

قسماً تأديه وقوعي تقديرنده اشبو تأديه نك چك اوزرينه تحرير و كنديسنه مقبوض سندی اعطاسني مخاطب طلب ايده بيلير .

اون طقوزنجي ماده ايچ يوزينه يكديكرينه موازي ايكي چيزكي چيزيلان چك بر بانكردن بشقه سنه تأديه اولنه ماز . مذكور چيزكي كشيده جي وياخود حامل طرفندن چيزيله بيلير .

چيزكي عمومي ويا خصوصي اوله بيلير . ايكي چيزكي اراسنه بر شي تحرير اولنماش وياخود بانكركلفظي ويا اكا معادل بر تعبير وياخود يالكز « قومپانيه سي » كلهلري درج اولنمش اولديني تقديرده چيزكي عموميدر . اكر ايكي چيزكي اراسنه بر بانكر اسمي درج اولنمش ايسه مذكور چيزكي خصوصيدر .

عمومي چيزكي خصوصي چيزكيه تحويل اولنه بيلير لكن خصوصي چيزكي عمومي چيزكيه تحويل اولنه ماز . خصوصي چيزكي حاي اولان چك معين اولان بانكردن بشقه سنه تأديه اولنه ماز . لكن بو بانكر الحقي بالذات قبض ايتيه جك اولور ايسه ديكر بر بانكري كندى مقامنه اقامه ايده بيلير . چيزكي معين اولان بر بانكر اسمي بوزمق ممنوعدر .

چيزكي عمومي اولديني صورتده چكي بر بانكردن بشقه سنه وياخود چيزكي خصوصي اولديني حالده معين اولان بانكردن ماعداسنه تأديه ايدن مخاطب ايجابنده سبب اولديني ضرردن دولايي مسؤلد . شوقدر كه ضرر و زيان مقداري چكك حاوي اولديني مبلغ مقداري تجاوز ايده مز .

دول متعاده كندى مملكتلري داخلنده تأديه سي لازم كلان چككر حقه چيزكي اصولي قبول ايتمه م اختيارينه مالكدرلر .

يكر منجي ماده كرك كشيده جي كرك هر حامل چكك ايچ يوزينه عرضاً « داخل حساب اوله جقدر » كلهلري وياخود انلره معادل بر تعبير تحرير ايدرك چكك تقدأ تأديه سني منع ايده بيليرلر .

بو تقدريجه چك صورت تحريريه ايله تسويه اولنور . « حساب اعتباري . تحويل . ياخود تقاص » تحرير صورتيله تسويه تأديه معادل اولور . چكده مندرج « داخل حساب اوله جقدر » تعبيرني الفا ايتك جائز اولماز . بو تعبيرك اخلالي سبب ويريلا ضرردن ناشي مخاطبك مسؤليتي موجب اولور . شوقدر كه ضرر و زيان مقداري چكده مندرج مبلغ مقداري تجاوز ايده مز .

دول متعاده كندى مملكتلري داخلنده تأديه سي لازم كلان چكردن دولايي مخاطبك عدم اقتداري تين ايتديكي حالده شرط مذكورك حكمي نه اوله جفتي معين ايتك و كذلك « داخل حساب اوله جقدر » قيديني حاوي چك اصولي قبول ايتمه م صلاحيته مالكدرلر .

يكرمي برنجي ماده بر چك حاملنك قارشولق اوزرنده حقوق مخصوصه يي حاز اولوب اولنديني و مخاطب عليهنده اقامه دعوى حقنه مالك اولوب اولنديني مسئله سي نظامنامه بين المللك خارجنده براقلمشدر .

عزم تأديه تقديرنده وقوعه بولمور مراجعته دار

يكرمي ايكنجي ماده وقتنده اراز اولنان چك تأديه اولنديني تقديرده حامل جيرانتهلر ايله كشيده جي و ديكر مديونلر عليهنده حق مراجعتي استعمال ايده بيلير .

چكك ابرازي و عدم تأديه خصوصي اولا كرك بر ورقة رسميه ايله يعنى عدم تأديه پروتستوسيله ثانياً كرك يوم ابرازك اراده سيله برابر مخاطبك مورخ اوله رق چك اوزرينه تحرير اولنمش بر بياننامه سيله ثالثاً كرك چكك وقت و زمانيله تقاص خانه يه تسليم اولنوب فقط تأديه اولنديغه دائر مذكور تقاص خانه نك مورخ بر بياننامه سيله اثبات اولنق لازم كلير .

يكرمي اوچنجي ماده عدم تأديه پروتستوسي مدت ابرازك اقتضاسندن اول تنظيم اولميدر . فقره سابقه ده بيان اولنان مدت ظرفنده پروتستو نهايه النهايه ابرازي تعقيب ايدن ايلك ايش كوننده تنظيم اولنق لازم كلديكني امر ايتك خصوصي دول متعاده نك اختيارينه براقلمشدر .

يكرمي درنجي ماده قاميو پوليجه سي و امره محرر سند حقه كي نظامنامه مشترك و حق مراجعتيه دائر اولان قرق دردن قرق التنجي و قرق يدنجي ماده لر نك قبوله متعلق اولان جهتلرندن ماعداسي چك حقه ده تطبيق اولنور .

يكرمي بشنجي ماده تأديه اولنميان بر چك حاملنك كشيده جي و جيرانتهلر عليهنده چكدن متولد اولق اوزره حاز اولدقلى حقوقدن بشقه بغير حق ذمتلرينه اچه كچيرمش اولميرندن دولايي اقامه دعوايه حق اولوب اولنديغه قرار و يرمك صلاحيتي دول متعاده يه ترك اولنمشدر .

چك نسخہ لریك قهرینه دأر

يكرمی التجی ماده حامله تأديه اولنه حق چك مستثنی اولق اوزره بر دولت ممالك كننده موقع تداوله وضع اولنوب ديكر دولت ممالك كننده وياخود عين دولتك دكر ايله فصل اولمش اولان اقسام ممالك كننده تأديه سي لازم كلن چك يكديكرينه مطابق متعدد نسخهلردن عبارت اولق اوزره كشيده اولنه بيلير . اشبو نسخهلر سندك متنی اوزرينه موضوع نومرولری حاوی اولميدر . بو نومرولر موجود اولمديني حالده مذكور نسخهلر كل هر برينه آیری بر چك نظریله باقیلیر .

يكرمی يدنجی ماده نسخهلردن بری اوزرينه وقوعبولان تأديه ديكر نسخهلر كل حكمنی ابطال ایدم چكی شرط قلمامش اولدینی تقدیرده بیله تأديه مذكوره مستلزم برائتدر . چك نسخهلرینی مختلف اشخاص عهدینه نقل ایدن جیرانته ايله اندن صكره كلان ديكر جیرانتهلر امضالرینی حاوی اولوب اعاده اولنمیان بالجملة نسخهلردن دولایي مسؤلدر .

امضاتلر و تحریفات دأر

يكرمی سكزنجی ماده قامیو پولیچه سیله امره محرر سند متعلق نظامنامه مشترك ساخته كارلق و تحریفات دأر اولان التمش سكز و التمش طقوزنجی ماده لری چك حقنده مرعیدر .

مرور زمانه دأر

يكرمی طقوزنجی ماده حاملك جیرانتهلر ايله كشيده جی علیهنده کی حق رجوع دعوالری مدت ابرازك انقضاسندن اعتباراً التي ای مروریه ساقط اولور .

جیرانتهلر كل يكديكرلری و كشيده جی علیهنده اقامه ایدم چك لری حق رجوع دعوالری جیرانتهك چكده محرر مبلخی ایفا ایتدیکی كوندن وياخود كندیسك علیهنده دعوی اقامه اولندیگی كوندن اعتباراً التي ای مروریه ساقط اولور .

مرور زمانك انقطاعی حقنده پولیچه و امره محرر سند دأر نظامنامه ك یتش برنجی ماده سیله اولباده کی مقاوله دولیهك اون التجی ماده سی چك حقنده مرعیدر .

اصطلاح عمومیه دأر

اوتوزنجی ماده قامیو پولیچه سی و امره محرر سند متعلق نظامنامه مشترك یتش ايكنجی و یتش اوچنجی ماده لری احكام عمومیه سی چك حقنده تطبیق اولنور .

چك ضیاعه دأر

اوتوز برنجی ماده دول متعاقده كندی مملكتلری داخلنده لازم التأديه اولان چكلرك ضیاعی تقدیرنده اولاً حاملك یكی بر چكك موقع تداوله وضعی وياخود غائب اولان چكك تأديه سنی نه كبی شرائط تحتنده اوله رق طلب ایدم چكینی تعیین ایتك و ثانیاً ضایع اولان چكك ابطالی ضمننده اصول مخصوصه وضع ایتك اختیارنه مالكدرلر .

اضمتوف قوانیه دأر

اوتوز ايكنجی ماده چك واسیطه سیله تعهداته كیریشمك ایچون بر شخصك اهلیتی كندیسك تابع بولندیگی دولتك قانونیه تعیین اولنور . اكر قانون مذكور بو باده ديكر بر دولتك قانونی صلاحیتدار اولدیگی مبین بولنور ایسه انحق او قانون تطبیق اولنور .

فقره سابقه ده بیان اولنان قانونه نظراً حائز اهلیت اولمیان بر شخص شو حالیه برابر قانونه توفیقاً اهلیت لازمه یی حائز عد اولنمی اقتضا ایدن بر دولتك ممالیکی داخلنده تعهداته كیریشمش ایسه صورت صحیحده مسؤل اولور .

هر دولت متعاقده تبعه سندن بری جانبندن چك خصوصنده التزام اولنوب محضاً فقره سابقه موجبنجه دول سائر ممالك كننده معتبر اولمی لازم كلان بر تعهدك صحتی قبول ایتماك صلاحیتنه مالكدر .

اوتوز اوچنجی ماده چك خصوصنده عقد اولنان تعهداتك شكلی تعهدات مذكوره قننی دولت ممالك كننده عقد اولنمش ایسه او دولتك قوانینه تعیین اولنور . قوانینه نظراً معتبر اولان چكك محل احداثی اولان دولتك قوانینه نظراً غیر معتبر عد اولنمی لازم كلسه بیله ینه اعتباردن ساقط اولماز .

چكك تأديه اولنه جنی دولت ممالك كنندن بشقه دولت مملكتلرنده چك اوزرينه وضع اولنان امضالر حقنده دنخی حكم بویله در .

اوتوز دردنجی ماده چك خصوصنده استیفا و محافظه حقوق ضمننده لازم كلان پروتستو و معاملات سائرینی ناطق اوراقك صورت تنظیمی بونلر قننی دولت ممالك كننده تحریر اولنمش ایسه او دولتك قانونیه تعیین اولنور .

حكمة تمیز جزا دائره سی رئیس

عثمانه

ختم

مرور زمان شرعی و مرور زمان نظامی

جريدة عدليه نك ۲۰ تشرین ثانی سنه ۳۲۸ تاریخ و ۷۲ نومرولو نسسخه سنده بغداد تجارت محكمه سی رئيسی قواد بك افنديك اعاده اعتبار سرلوحه لو مقاله لرینی مطالعه ایلدیکم زمان تصادف ایلدیکم بر فقره حقنه ، موضوع مقاله یه طوقه مقسزین ، فکر عاجزانه می بیان ایده جکم .

دیورلرکه : « بزده تقادم زمان نه بر حقل سقوطی نه ده ثبوتی مستلزم دکدر . یعنی نه اسباب تملك ، نه ده برائت میانه کیره مر . انجق تحقی حالده قبوله مقارن اولیسان حقندن طولای کندیوه عرض اولنان دعوائی استماعدن حکامی منع ایدر . »

« بزده » لفظیله صاحب مقاله مذکور فقره یی صورت عمومیه ده یعنی کرک جهت شرعی و کرک جهت نظامیه ایچون مساوی صورتده تلقی ایتکده اولدقلری اکلاشیایور .

ومذکور فقره مفلسک مرور زمانه اوغرامش بورجلربی ده اوده ملی میدر ؟ دیوسؤاللرندن طولای یازلمش اولدیغندن جهت نظامیه یه مخصوص اوله رق ترتیب ایدلمش اولدیغنده شبهه یوقدر .

معلومدرکه مجله ، احکام شرعیه اوزره ماده بماده تقنین و تدوین ایدلمش قانون عمومیمزدر . احکام شرعیده معاملات کتابلره منقسم اولدیغندن مجله دخی اون اتی کتابه تقسیم ایدلمشدر .

مذکور کتابلرک انواعنه نظراً مجله قانون مدنی ایله برابر اصول محاکمه یی دخی محتویدر . نته کیم اصول محاکمه یه تعلق ایدن کتاب الدعوانک و کتاب القضاءک و سائر بعض موادک مجله ده مندرج اولمسیله بر نوع اصول محاکمه ، و کتاب الیوع و کتاب الابجاره و سائر کتابلرک مندرج بولمسیله ده قانون مدنیز اولمشدر .

انجق مناکحات و فرائض و وصایا کی کتابلر مجله دن خارج براقلمش اولدیغندن قانون مدنی اولق اعتباریله نقصان اولدیغنی معلومدر .

ابتدالری کرچه تمیز حقوق مجلسلری تأسیس ایدلمش ایدی ایسه ده آروجه اصول محاکمه لری اولیوب احکام شرعیه اوزره فصل دعوی اولنور ایدی . مجله نك وضعنده بالطبع حاوی اولدیغنی اصول محاکمه یه تابع اولدی .

مؤخرأ محاکم نظامیه نك حین تشکله آروجه ده اصول محاکمه قانونلری وضع اولندیغندن بالطبع مجله ده که اصول محاکمه قسمی انجق محاکم شرعییه مخصوص قالدی .

لکن محاکم نظامیه یه منحصر اولان اصول محاکمه مجله یه مراجعت ایتک صراحتی حاوی بولنان و یاخود بسبتون مسکوت قالمش اولان خصوصات حقنه قانون عمومیمز اولان مجله ده کی اصول محاکمه قسمنه مراجعت ایتک طبیعیدر .

نته کیم اصول محاکمه حقویه نك ۸۹ نجی ماده سنده کوسترلدیکی اوزره اصولدن اولان شهادتک کیفیت اداسی و شاهدلرک طرز تذکیرلری خصوصلری ایچون مجله نك اصول محاکمه قسمنه مراجعت اولنور . نته کیم اصول محاکمه حقویه ، خصم اولوب اولمیانلر حقنه ساکت اولدیغندن ، مجله نك ۱۶۳۴ نجی وانی ولی ایدن سائر موادینه کذا مراجعت اولنور .

شو حالده محاکم شرعیه و محاکم نظامیه ایچون آرو آرو اصول محاکمه لرمن اولدیغنی کوریلیر . محاکم شرعیه ایچون اولان اصول محاکمه مجله ده احتوا ایدیورکه اساسی احکام شرعیه در . و محاکم نظامیه ایچون اولان اصول محاکمه اصول محاکمات حقویه و جزائییه قانونلریله تعیین ایدلمشدرکه اساسلری فرانسه قوانینیدر . بناء علیه مجله ده بر ماده ویا فقره حقنه تنور ایچون کتب فقهیه یه مراجعت ایتک لازمه دن اولدیغنی کی اصول محاکمات حقویه و جزائییه بر نقطه نك توضیح و تشریح ایچون دخی فرانسه کتب حقویه سنه مراجعت ایتک لازمه کله جکدر .

مرور زمان دنیان قاعده حقویه نك اساسلری مجله ده و فرانسه قوانیننده چوق فرقلیدر . مجله موجبنه مرور زمان سبب تملك ویا سبب برائت دکدر . زیرا تقادم زمان ایله حق ساقط اولماز . انجق اول حقل انکارای حالده دعوانک عدم استماعنه سیدر .

بو جهته مجله نك ۱۲۴۸ نجی ماده سنده اسباب تملك تعداد ایدلیدیکی زمان مرور زمان داخل ایدلماشدر . ۱۲۴۸ نجی ماده — اسباب تملك اوچدر . برنجیسی بیع و هبه کی ملکی برمالکدن دیگر مالک ناقلدر . ایکنجیسی ارث کی برکسنه نك دیگره خلف اولمسیدر . اوچنجیسی مالکی اولمیان برمباهشی الیکچورمکدر . حالبوکه فرانسه قانون مدنیسنه نظراً مرور زمان معین اولان مدتلرک مروریه حق ساقط اولور و بناء علیه اسباب تملك و برائتدن معدوددر .

فرانسه قانون مدنیسنک ۷۱۱ و ۷۱۲ نجی ماده لرنده اسباب تملك تعداد اولدیغنی زمان مرور زمان خارج براقلمماشدر .

711 — La propriété des biens s'acquiert et se transmet par succession, par donation entre-vifs ou testamentaire, et par l'effet des obligations.

712 — La propriété s'acquiert aussi par accession ou incorporation, et par prescription.

فرانسه حقونجه مرور زمان سبب تملك و برائت اولدیغنی ایچون مرور زمان بخنی قانون مدنییه تعلق ایدلکندن اورایه درج ایدلمشدر . حالبوکه مجله ده مرور زمان انکار و قوعنده دعوانک عدم استماعنی انتاج ایلسنه کوره اصول محاکمه یه عائد بر قاعده اولق اعتباریله کرچه مجله یه ادخال ایدلمش ایسه ده اصول محاکماتدن بولنان کتاب الدعوائیه درج ایدلمشدر .

نصلکه، اسباب تملکی تعداد ایدن مارالبیان ۱۲۴۸ نجی ماده قانون مدنین معدود اولق مناسبتیه مجله نك مذکور کتاب الدعوايه درج ایدلیوب کتاب الشرکتده تنظیم اولمشدر .
فرانسه اصول محاکات جزائیه و حقوقیه قانونلرنده حقوق شخصیه و عادیه حقنده مرور زمان بحی کچدکده قانون مدنیلرنده کی مرور زمان اساسی اوزرینه یعنی حَق سقوطلی یولنده اکلایشیلور .

عثمانلی اصول محاکات جزائیه و حقوقیه قانونلرنک مذکور قانونلردن ترجمه ایدلیدکننده واضع قانون مرور زمانی مجله مرور زمانی قاعده سنه توفیق ایتیه رک حَق سقوطلی اساسی اوزرینه ترجمه و تنظیم ایلش و اول یولده وضع ایدلمشدر .

نته کیم اصول جزائیه نك ۴۸۱ نجی ماده سنده :

«... بر جنایتک وقوعی تاریخندن اعتباراً اون سنه ظرفنده حقنده اقامه دعوی و اجرای تحقیقات اولنماش اولدینی حلاله او مدتك اقتضاسنده او جنایت حقنده حقوق عمومیه و شخصیه دعواسی ساقط اولور ...»

مذکور فقره نك اصلی اولان فرانسه اصول جزائیه سنك ۶۳۷ نجی ماده سنده توافق ایدن فقره :

L'action publique et l'action civile résultant d'un crime ... se prescriront après dix années révolues à compter du jour où le crime aura été commis ...

کذا اصول جزائیه نك ۴۸۲ نجی ماده سنده :

«... مجازات تأدیبیه مستلزم افعال ایچون حقوق عمومیه و شخصیه دعواسی ینهماده سابقده مذکور مبدألردن اعتباراً اوچ سنه صکره ساقط اولور .»

اصلی اولان فرانسه اصول جزائیه سنك ۶۳۸ نجی ماده سی :

Dans les deux cas exprimés en l'article précédent, et suivant les distinctions d'époques qui y sont établies, la durée de la prescription sera réduite à trois années révolues s'il s'agit d'un délit de nature à être puni correctionnellement.

کذا اصول جزائیه نك ۴۸۴ نجی ماده سنده :

«... بر قباحتک وقوعبولدینی تاریخندن اعتباراً ... بر سنه صکره حقوق عمومیه و شخصیه دعواسی ساقط اولور .»

اصلی اولان فرانسه اصول جزائیه سنك ۶۴۰ نجی ماده سی :

L'action publique et l'action civile pour une contravention de police seront prescrites après une année révolue ...

آنفا کورلمکده اولدینی اوزره فرانسه اصول جزائیه نك مواد مذکورده سنده استیعمال اولنش اولان «se prescriront» و «la durée de la prescription sera réduite à»

تعیملری بزم قانونمزمده «ساقط اولور» دیو ترجمه ایدلمسی حقوق عمومیه دعوالری ایچون آیرو مطالعه ایل طوغری اوله بیلور ایسه ده حقوق شخصیه دعوالری ایچون طوغری اوله مایوب مجله نك «تقادم زمان ایله حق ساقط اولماز» قاعده سنه مخالف دوشر . زیرا ساقط اولان شی عودت ایتز . ارتق انکاره و اقراره حاجت مس ایتز . زیرا اساساً ساقط اولدی .

حالبوکه مجله جه مرور زمان ایله حق ساقط اولیوب انجق انکاری حالنده دعوی مسموع اولماز .

معلومدرکه حقوق شخصیه دعواسنك حقوق عادیه دعواسندن اولان فرقی جزادن متولد اولمسی ایله اولوب یکدیگرندن تفریق ایدر هیچ بر سبب قانونی یوقدر .

حتی مجله جمعیتنده تنظیم اولان مضبوطده «جرائمدن نشأت ایدن حقوق عادیه دعوالری» تسمیه ایدیلرک حقوق شخصیه تعبیله تفریق بیله ایدلماشدر .

بو جهته حقوق شخصیه دعواسی محاکم جزائیه ده حقوق عمومیه دعواسی ایله رؤیت وفصل اولدینی کی آروجه محاکم حقوقیه ده دخی تدقیق و حل اولنه بیلور .

حقوق شخصیه دعواسنك حقوق عمومیه دعواسیله اولان ارتباطندن طولانی مرور زمان خصوصنده انك مدته تابع اولق بلکه اقتضا ایدر ایسه ده مجله نك تقادم زمان ایله حق ساقط اولماز قاعده سنندن تباعد ایتکه لزوم یوق ایدی .

واضع قانون بو یولده ترجمه ایتش اولغله سهو ایتش دکدر . مقصدی مجله نك تقادم زمان ایله حق ساقط اولماز قاعده سنی ترک ایله فرانسه قانوننده کی مرور زمانك سقوط حق انتاج ایدر اساسی محاکم نظامیه ده حقوق عادیه و شخصیه ایچون قبول ایتک ایدی .

ذاتاً فرانسه اصول جزائیه نك مارالذکر موادنده کی «se prescriront» و «la durée de la prescription sera réduite à» تعبیله عبارتیه ترجمه ایدلماشدر . واضع قانون مذکور تعبیله رک فرانسه قانوننده کی احکامی ترجمه ایلشدر .

مارالبیان اوچ ماده لده حقوق شخصیه دعوالرک مرور زمان مدتلری حقوق عمومیه دعوالرک مرور زمان مدتلری اولان برواچ و اون سنه تبع بولغله مدت اعتباریه قاعده عمومیه دن چقمش اولدینی جهته احکام اعتباریه ده جهت جزائیه ده استثنا تشکیل ایتشدر دینله من .

اصول مذکورک ۴۸۶ نجی ماده سی ذاتاً صریح اولان معروضاتی برقات ده تقویه ایدیور .

ماده مذکورده دیورکه :

«جنایت وجنحه وقباحتدن طولانی حقوق شخصیه جهتنجه وقوعبولش حکملر لایتغیر حالنه کیردکاری تاریخندن اعتباراً اون بش سنه صکره ساقط اولور .»

اصلي اولان فرانسه اصول جزائيه نك ۶۴۲ نجى ماده سى :

Les condamnations civiles portées par les arrêts ou par les jugements rendus en matière criminelle, correctionnelle ou de police, et devenus irrévocables, se prescriront d'après les règles établies par le code civil.

کوریلور که حقوق شخصیه جهتیجه وقوع بولان حکملرک مرور زمان مدتی مجازات حکملرک مرور زمان مدتلرندن بالتفریق مجله نك قاعده عمومیه سی اوزره اون بش سنه یه تابع ایتدیلمشدر . زیرا ایکی جهندن حکملر تعین ایلدیکندن ارتق حق شخصیک حقوق عمومیه ایله ارتباط و مناسبتی قالدیغندن حق شخصی حکملرک مرور زمان مدتی قاعده عمومیه یه تابع ایدلمسندن مانع اوله جق بر سبب اولدیغنی مجله جهتیجه اون بش سنه تعین قلمشدر .

مذکور اون بش سنه مدت آیروجه مستثنا بر مدت اولیوب مجله ده که مرور زمان مدتی بولدیغنی مذکور ماده یه توافق ایدن فرانسه اصول جزائیه نك بلاده متنی وضع اولنان ۶۴۲ نجی ماده سننده کی « se prescriront d'après les règles établies par le code civil » فقره سیله محققدر .

الحق واضع قانون بوراده دخی « se prescriront » تعیری قانونمزد « ساقط اولور » عباره سیله ترجمه ایتمش اولمسیله جهت نظامیه ده حقوق عادیه ایچون مصرأ فرانسه قانوننده کی مرور زمان احکامنی یعنی حق سقوی اساسنی وضع ایتک ایستمشدر .

کرچه اصول جزائیه ده کی حقوق عادیه دن اولان حقوق شخصیه حقنده شو صراحت ایکی نظامی اصوللرک یکدیگرکنده اولان نواقصی بر برینه اعانه ایدیه یله جکلیرینه کوره حقوق عادیه نك طرز رؤیتی اراء ایدن اصول حقوقیه دخی تشمیلی بدیهی و حقوق شخصیه نك حقوق عادیه دن فرقی اولیوب کرک جزا و کرک حقوق محکملرکنده رؤیت اولنه بیلمسندن کوره صراحت مذکور نك حقوق عادیه دخی سرایتی طبیی ایه ده ذاتاً اصول حقوقیه دخی بوباده ساکت کچماشدر .

اصول محاکمه حقوقیه نك ۱۶۶ نجی ماده سى :

« . . . شخص ثالث اعتراضه اساس اتخاذ ایتدیکی حقوقندن مرور زمان قاعده سی ایجابجه ساقط اولمده اعتراضه قیام ایدیه یلور . »

ایشته واضع قانون اصول حقوقیه ده دخی اصرار ایله مرور زمانك حق اسقاط ایدر اساسنی حقوق عادیه نظامیه ایچون قبول ایتک قصدی وار ایش و بویه جه اصول محاکمه درج ایلشدر .

اصول جزائیه نك ۴۸۱ و ۴۸۲ و ۴۸۴ ماده لرکنده کی « دعوی ساقط اولور » مترجم تعیری حقوق شخصیه ایچون مجله احکامنه توفیق ایله « . . . سنه صکره مرور زمان واقع اولمغه دعوی استماع اولنماز » دیو ترجمه ایدلمک لازمکلور ایدی . و اصول حقوقیه نك مارالذکر فقره نك دخی تنظیمندن بسبتون صرف نظر ایتلی ایدی .

شو حالده اصول جزائیه نك مواد مذکورده سی موجبجه حقوق عمومیه دعوالری ساقط اولوب متولد حقوق شخصیه دعوالری ایسه حقوق عمومیه دعواسنك سقوطنه خلال کلیه رك مجله یه توفیقاً مظلونك اقراری حالنده حکم ایتک وانکاری حالنده دعوی مسموع اولماق لازم کلور ایدی .

کذا ۴۸۶ نجی ماده سننده حقوق شخصیه جهتیجه وقوع بولش حکملر حقنده « . . . اون بش سنه صکره ساقط اولور . » فقره سنك وضعندن بلکه بسبتون صرف نظر ایتلی ایدی . زیرا احکام حقوقیه نك مرور زمانه تابع اولسی طبیی ایدی (محامه نسخه ۱۰ صحیفه ۳۰۹) . یاخود حقوق عمومیه دعواسنك مرور زماندن تقریبی ایچون مذکور فقره نك لزومی لابد ایدی ایسه ، بلکه « . . . حقوق شخصیه جهتیجه وقوع بولش حکملر . . . اون بش سنه صکره مرور زمان واقع اولمغه مرور زمان قاعده سنه تابع اولور » بولنده ترجمه ایدلمک لازم ایدی .

« se prescriront » و « seront prescrite » کی تعیرلری قانونمزد « ساقط اولور » عباره سیله ترجمه ایدلمسندن ذاتاً هیچ بر مناسبت بریقینك یوقدر . اگر مجله نك و فرانسه قانون مدنیسنك مرور زمان احکامی نظر اعتباره المیه رق مذکور تعیرلری عباره اعتباریه ترجمه ایدلمه ایدی بلکه « مرور زمانه تابع اوله جق » دیمک لازمکلور ایدی .

الحق عرض ایتش اولدیغ کی واضع قانونك جهت نظامیه ده فرانسه قانوننده کی « مرور زمان ایله حق ساقط اولور » اساسنی قبول ایله اول بولده ترجمه ایش و اصول حقوقیه نك ۱۶۶ نجی ماده سننده دخی اول بولده تنظیم ایش اولدیغی ا کلاشیلور .

واضع قانون « ساقط » لفظی تصادفاً استعمال ایتش اولدیغی فرض ایدیه مز . زیرا مذکور لفظ اصولك سائر محاکمکنده سائر خصوص حقنده معناسنك قوتنی پک اعلا ا کلایه رق استعمال ایلشدر (محامه نسخه ۱۱ صحیفه ۳۴۱) .

اراضی قانوننك ۷۸ نجی ماده سننده « برکسه اراضی امیریه و موقوفه نی بلا نزاع اون سنه زراعت و تصرف ایتش اولور ایسه حق قراری ثابت اولوب کرک یدنده معمول به سند بولنسون و کرک اصلا سند بولنسون اول ارضیه محلول نظریله باقلمیوب یدینه مجاناً و مجدداً طایو سندی ویرلمک لازم کلور » دیو محرر اولمسنه نظراً واضع قانون ذاتاً مرور زمانك سبب تملک و براءت اولمسنه تمایلاتی بولنش اولدیغی کوستریور . و اصول محاکمک تنظیمنده بوجه معروض مواد صریحه مذکوریه نی وضع ایله تمایلاتی اجرا و تعمیم ایلشدر .

شو عریض و عمیق مطالعه و تدقیقندن ا کلاشیلور که مرور زمان قاعده سی جهت شرعیه ده و جهت نظامیه ده تخالف ایدیور .

جهت شرعیه ده اصول محاکمه شرعیه دن عداولنان مجله نك کتاب الدعواسنده ۱۶۷۴ نجی ماده سی موجبجه

تقادم زمان ايله حق ساقط اوليور ايسه ده جهت نظاميه ده اصول حوقيه و جزائيه نك مواد مذكوره صريحه لری موجبجه مرور زمان ايله حق ساقط اوليور.

شرعی و نظامی مرور زمانلرک مارالذ کر فرقلرندن جهت شرعیه ده مرور زمانک ذاتاً حسابی هر حاله سنه قریه ايله اولوب انجق جهت نظامیه ده کی مرور زمانک حسابی سنه شمسیه ايله اولمسی انتاج اولنور.

معلومدرکه مجله قسماً قانون مدنی و قسماً اصول محاکمه اولارق قانون عمومیمز بولندیغندن، اصول محاکمه حقوقیه و جزائیه قانونلری قوانین خصوصیه دن معدود قالیور.

کذا معلومدرکه موضوع ایکی قانونک بعض موادى بیننده مبانیت کورلديکننده و مسد کور قانونلردن بری قانون عمومی و دیگری قانون خصوصی ايسه قانون خصوصی موادينه اعتبار اولنور.

خصوصیه موخر تاریخی اولان یکی قانون ايله مقدم تاریخی اولان اسکی قانونده یکدیگره مبان مواد بولندیغنده اسکی قانونک موادی یکی قانون ايله تعدیل ایدلمش اولور.

شو حاله اصول محاکمات نظامیه نك مواد مذکوره سنک مارالذ کر صریح فقره لری مجله نك ۱۶۷۴ نجی ماده سنده کی تقادم زمان ايله حق ساقط اولور فقره سنه مخالف بولندیغندن و مجله نك تاریخی مقدم و اصول

محاکمات تاریخی مؤخر اولدیغندن جهت نظامیه ده مجله نك مذکور ماده سی تعدیل ایدلمش اولدیغی نمایان اوليور.

در سعادتده کوپرلی خاتنده

محامی

فهره مبانه ضامیک



اعلان

مراد نيقولا يیدی افندي نك مالته قریه سنده مقيم متوق قصاب مصطفى افانك مخدومی نشئت افندی ذمتنده بحسب الوراثه با اعلام نظامی محکوم به الهجفتك تأمین استيفاسی ضمننده مديون متوفان ارثاً انتقال ایدوب مومی ايله نشئت افندي نك عهده سنده بولنان حجز و فروختی تقرر ایدن قریه مذکوره ده تحته کوپری موقعنده برطرفی دره برطرفی شعبان افا بوستانی و برطرفی لاز حسنک بوستانی و برطرفی رابی طریق ايله محدود تخمیناً درت درنم مقداری سکزیبک اوجا قلق سبزه بوستانی بالمزایده التیبیک بشیوز غرو شده طالبی عهده سنده تقرر ایدرک موقت قرار داده سی کشیده اولنوب تاریخ اعلاندن اوتوز برکون صکره حاله قطعیه سی اجرا قلنه جغندن طالب اولانلرک یوزده بش پی سورملری ایچون قرتال اجرا دائره سنه مراجعت ایللری ایکنجی دفعه اوله رق اعلان اولنور.

متوفی حاجی یورکی قره بک اوغلی ورثه سی زوجیه سی النقو و کیره کریمه لری قادیقو وافر بدی و پرسه فوقی خانلر و کیره مخدومی طودوری افندي نك مورثلری مومی الیهک حال حیانتنده بیع و فروخت ایتیش اولدیغی کراسته اتمانندن طولای وراثه الاجق لری اون بیک عدد عثمانی ایرانک دعوی عرضحالی قیدی اولان ۲۳ نیشان سنه ۳۲۶ تاریخندن اعتباراً مع فائض حجاز والی سابق احمد راتب افندي نك حاله و زوجیه سی عائشه صدیقه خانم کفاله تحصیلنه دائر ۱۱ کانون اول سنه ۳۲۸ تاریخ و بیک درتیوز سکسان عددیله در سعادت بدایت محکمه سی برنجی حقوق دائره سنندن تنظیم اولنان اعلام غیابینک برر قطعه صورت مصدقه سی مومی الیهانک اقامتگاهلرینک مجهول بولنسنندن دولای اصول محاکمه حقوقیه قانونک یوز قرق طقوزنجی ماده سی حکمنه توفیقاً محکمه دیوانخانه سنه تعلیق اولندیغی کی حکم اعلام مذکوره اوراق حوادث ايله اعلاناً مومی الیهامیه تبلیغ قلنور.

در سعادت اینکجی تجارت محکمہ سی اعلیٰ —

۲۶ قانون اول » ۳۶۱۱

محکمہ نمادہ دہ طرفینک استہناف دعوی
ایده مامسی شرطنک مندرج اولمی
قابلیت استہنافیہ مانع اولیہ جغتنہ دائر

۳ قانون ثانی » ۳۶۱۸

محکمہ نمیز لہیت عمومیہ قرار ی —



۳۶۲۱	۲۹ نیشان سنه ۳۲۸	{ فراغ فضولی فی نسخه متصرفك حق اولدیغنه دأثر	(۱) —	حکمة تمیز حقوق دأرہ سی اعلامی
۳۶۲۳	۲۱ تشرین ثانی	{ فاحش فائض حقنده در میان اولنان ادعا-نده قارشو اولدیغنی حالده بونك شهود شخصیہ ایله اثباتی غیر جائز اولدیغنه دأثر	(۲) —	» » »
۳۶۲۵	۱ نیشان	{ تبیین حدودله عقد بیع اولدیغنی حالده محدودك محتویانك نقصان سوبلنمش اولسلیله فضلہ سنك بایعه عائد اوله میه جغنه دأثر	(۳) —	» » »
۳۶۲۷	۲۹ کانون اول	{ مدعی بالجله اسباب ثبوتیه دن اظهار عجز ایتدیگه غائبک یمندن نکولنه تعلیقاً اعطای حکم اولنمی موجب نقضدر .	(۴) —	» » »
۳۶۲۸	۲۸ شباط	{ وکیلک وکلنک یمندن نکولنی بیان ایتسی اصیلک یمندن نکول ایتش کی عد ولنه میه جغنه دأثر	(۵) —	» » »
۳۶۳۰	۳ تشرین ثانی	{ اجرت تقسیمنه دأثر	(۶) —	» » »
۳۶۳۱	۱۸ تشرین اول	{ الا جق دعواسنه دأثر		درمهارت ایلکنجی تجارت اعلامی
۳۶۳۴	۱۰ کانون اول	{ دعوانك اثبات ثبوتیه قانونیه دن بریله ثابت اولدی لزومنه دأثر		حکمة تمیز حقوق دأرہ سی اعلامی

۳۶۳۵		{	حکمة تمیز حقوق دأرہ سیه
		{	ترقیقانی تمیز یزیر اولاره دعاری
		{	اعلاماتك لیستی

قسم غیر رسمی

مقالات

حکمة تمیز جزا ریسی عثمان بك
افندیك

اجتماع جرایم دأر

